

分宜縣志卷六

營建志

邑自建置以來工役之興後先相望其間葺故器新
應時起事要於吏治民生有所裨補欣逢

聖朝累洽百廢具舉茲邑之為因為創慮無不斟酌合宜
規模丕煥按籍而稽厥功殊疊疊也引而勿替用佐
方來志營建

城池

城池之建戒不虞也邑南臨秀水東西北三面皆
地周圍不過數里其為城也隘矣顧地利不如人

泉志成城設險云乎哉官斯土者思所以固吾圉可
矣志城池

縣自宋立而舊無城明正德七年壬申知府姚汀知縣蕭
時賓始興城後東西北三面以甃為墻高僅丈餘厚不
及三尺南濱水稍壘石堤列木柵其上

嘉靖戊午巡撫都御史何遜檄知府李德甫知縣戴廷恣
加闢庚申三月工成東自萬年橋迤北至西臨河水巷
長四百七十六丈八尺基廣一丈二尺面八尺南面河
岸自西徂東長三百二丈自河底甃石高二丈四尺上
與岸平加高女牆六尺舊城門四後增為五東曰德

西曰岐南曰清源北曰袁峯稍西北曰小北門城樓
五座水關二道邑紳大學士嚴嵩捐貲三千金助修並

記

記云昔在成周宣王中興其功烈盛矣而詩烝民韓奕
諸篇於築城之事特詳焉想見其時君臣相與同心以
憂天下之治所以設險防患者若是其悉也國家承平
日久比歲倭夷作難數犯浙直閩粵間所至有城守者
寇不能久持即去其無城者標掠不忍聞夫城之有無
其利與害較然可知也嘉靖庚申夏四月分邑作新城
成袁守李侯德甫分宜令戴君廷恣以書及城之圖來

泉志成城設險云乎哉官斯土者思所以固吾圉可
矣志城池

縣自宋立而舊無城明正德七年壬申知府姚汀知縣蕭
時賓始興城役東西北三面以甃為墉高僅丈餘厚不
及三尺南濱水稍壘石堤列木柵其上

嘉靖戊午巡撫都御史何遜松知府李德甫知縣戴廷恣
加開庚申三月工成東自萬年橋迤北至西臨河水巷
長四百七十六丈八尺基廣一丈二尺面八尺南面河
岸自西徂東長三百二丈自河底甃石高二丈四尺上
與岸平加高女牆六尺舊城門四後增為五東曰德

費用其力而計日受直發倉粟給之侍御史鄭公本立
巡按茲土體國貞度與何公議允協既而中丞張公元
冲侍御段公顏言實來嗣任工有未竣二公又相與處
書通規厥成戴令者專董茲役李侯繼之經始於己未
冬季而以旱商之春訖工凡費白金為兩三萬二百有
奇夫古之君子事所當舉則不計其費知有以惠於民
也役所當興則不恤其勞知有以佚於民也始也不免
怨咨及其後也見德而忘其費享佚而忘其勞故曰難
與慮始可與樂成若今始既無所費於民矣又未嘗勞
民民德諸大夫之賜其有既耶此李侯之所欲有紀於

民也叅政王宗沫憲俞鄭君述咸與綜理蓋諸君子並
以宏濟之才當明天子睿謨維斷欲興治補弊之時保
衛其民求以紓當宁南顧之憂寅恭奉職如此使天下
四方皆諸君子若也事馬有不畏民馬有不蒙其利者
哉于邑產也慶茲役之成父老子弟之有攸賴故叙其
說以復李侯使刻諸石焉

崇正丁丑楚寇至官民力守城獲全

國朝知縣江載清吳大相先後迭修

雍正九年辛亥知縣譚獻策倡邑人重修

乾隆二十三年戊寅知府陳廷枚行縣周視筋知縣湯云

網倡邑人助修

街巷

縣前大街自城西門直達城東門

縣背街一名後街今無市

袁家巷在縣治東一百五十步

上袁家巷在縣治西一百步

新街巷在縣治後明宏治間知縣吳蘭肇闢

將軍巷在縣治東

傅家巷在縣治東達北門

義井巷在縣治東元末紅巾賊亂有烈女賊執之不污投

井死其後井源愈清冽因名

官巷在縣治東達學宮前

分宜縣志卷六

上諭亭在縣治東雍正九年辛亥知縣譚獻策即舊祭院

署改建

乾隆十三年知縣鹿聖敬捐薦創建

解署

縣治為四方所尊仰堂第高廣所以崇體統也邑自置縣以來代有營葺誠居高而思寧民將有承違安

處者豈曰傳舍居然爾瞻志解署

解署

縣署在城內西南隅宋雍熙元年甲申析宜春二萬室為

分宜置署於江濱

宋景祐三年丙子知縣王摯與佐萬某吳某俱屬宇建大

門長樓架閣四年春告成屠靜記

記云國朝雍熙中以袁州爲春地大民衆析山萬室爲
分宜郡東馳一會置理所於水濱水之名曰秀其流三
百里昔人詩賦多稱之景祐丙子夏苦雨水驟漲民廬
墊官舍園藉公廩蘊蓄靡不壞實自平旦規構不圖遠
其址下材用樸遯歷政者視之猶旅寓故其陋也寢久
患至而不克揀時瑯琊王君以佐著作爲之葺林以道
德佑其民然而過歲凶叫饑者盈塗日與其佐萬吳

君子周爰賑給故葺壞圖新辱工勞力而不忍也更有
詳利病之經久可爲者集其徒與富民議其故且曰吾
邑之罹水患也公宇壞旦夕居者懼危壓廩儲囚繫燔
濕無所避吾邑長與其佐皆仁民固不忍徯於一丁而
歛於一戶然則吾儕之倉箱僅有積遇饑年而不知散
蓋捐乎萬一以助營繕與夫修佛宮飯緇流希諸福而
發其財者首之櫛去一髮耳不亦愈乎衆曰然君與二
佐悅聞之甚瘁暑之得涼飈餒腹之遇嘉穀也一之日
言風乎境內二之日齋金粟而臻者連連莫之能禦專
委吏司之出納謹其籍凡百矩度稟君之風旨自是祥

人獻能市巨材於山隆其址十倍於舊遠邇之饑者曰
傭千夫揮棟運土殫工致力實腹而暮歸未十旬厥工
告脩矣閤閣東西為二佐居揭重樓以秘勅書翼修兩
廊以分吏局高廩庾以虞後患豁狴犴以副欽恤自蒞
事堂卻眦正寢鞞鞞然至於庖厨齋閣靡微而弗具與
乎軼大壯之妙矣民始知百里之任如古諸侯之有制
也或嘆曰豈水之患乎天假吾邑長因其壞而變其陋
矣不然何以使人發其財而忘其吝也如是哉又曰豈
天之欲新是邑乎假吾邑長因歲凶而活其民矣不然
何以日傭千夫使之無菜色也如是哉識者謂君之蓄

道藏德發之以惠民豈止是而已乎若將適千里賜
驥初譽足於莊道矣然而棟宇之設古聖人著之於經
取之大壯不可謂之細務也衛文公徙居楚邱營宮室
而百姓悅之故詩人美焉著於篇曰定之方中作於楚
宮揆之以日作於楚室洵乎晉昭公不能修道以正其
國故詩人刺焉著於篇曰山有栲櫟有榘子有庭內弗
灑弗掃是則詩人之美刺也刪自聖手垂世以為法式
豈誣於後之人乎若君之為邑知言者宜乎美矣靜夙
受知於主爵清河公伯起見其取人也詳非名符於實
則未始輕譽嘗謂靜曰子漕運於江西按部凡十見其

政之殊者王分宜而已泮水之為患人甚焉予狀其實聞於朝廷請三載成績使之緝蕪振墜則其民永永為利果未幾詔下從之不獨彼民之幸亦予之幸也靜移疾訪醫因道出於斯見其吏之與民萬口一舌求文以永其事固知伯起之賢其知人也如是是用發其詳請刊石丁丑季春十有三日也

淳祐間知縣李宏規修

元季燬於兵

明洪武間知縣張仁主簿桑以時仍舊基重建縣署

治三年庚戌知縣曹忠新縣署

正德七年壬申知縣蕭時賓新公廳並後堂

嘉靖三十四年乙巳知縣申思夔重建

萬歷十三年乙酉知縣周應治重修縣廳自為記

記云夫分宜有縣廳舊矣而修於嘉靖乙巳其後長吏輒相仍相仍以迄於今日數十年所而廳乃壞余以庚辰受命來茲非古所稱百里寄耶於時諸廢徹繆當事執掌所以自惟則奉法宣化求稱上指使耳間有一二稍便堵業以與民經始而惟是縣廳費稍重大弗違營繕居久之廳乃壞彌甚而至於不可支有基無壞是在長吏者名匠計之費不下三百乃以數呈府府報可於

是乃率作舉事不日而遂告成蓋以費如彼用力若此何役民若斯之易也分宜之民非昔所謂民耶昔異而罔使則承極弊之餘其民罷於奔命而多貧窘一旦有急輒鳥跡散去不可收拾在世宗末季余蓋難言藉令今如曩時所遭民有家室弗守安能為縣官役哉邇者天子嘉與海內更始屢屋西顧其化至牛馬遍滿郊圻自絕域窮首皆加爵賞亦號稱極治以故故臣黃太常子澄永樂間以弗從靖難覆宗後稍凌夷衰微今其懿孫亦有所感激人主自吳還里請祭田以不失先人血食余嘗訪其遺於鈴山之陽不能得今幸來歸而適值

之然或為之而力有不及也子以蒞事七載幸值年穀豐稔物力稍減乃得相度機宜及時籌畫然而左支右絀之狀亦有不可以告人者豈非為於已壞之日則其為之較難也乎事已訖予左右環觀竊幸夙願之已酬而楊侯之所不逮者乃於今而更無餘憾也抑予更有說焉古之謀事者必先定其居公廨之設吏之所以居身者在是即其所以居業者亦在是登其堂則思對大廷而不愧入其室何以撫幽獨而無慚至於倉廩之建民食所關上以體朝廷愛養之心下以籌豐凶有備之道嗚呼乾乾方無時不切臨深履薄之懼豈得俯仰

悠游圖一已之便安也哉故予雖樂是役之有成又未嘗不惴惴然隕越之為慮也爰濡筆而為之記乾隆四十年歲在丙申十一月

正堂在水王堂前左右二間堂顏宋文康公誡屬格言曰報朝廷某事榮父母某事寬百姓幾分器子孫幾分

水玉堂左房三間右庫房一間左廡屋二間右廡屋三間三堂在水玉堂後宅門內左花廳二間右籤押房一間

三堂內一進廳一間左右房各一間 廡屋各三間

二進廳一間左右房各一間右廚房一間 書房前一廡一間後一廳二間廡屋二間右廚房一間 西書房

前一大廳後一廳二間東廚房一間 儀門在正廡前

左右吏舍共 十 間 頭門在儀門前 獄禁在儀

門西共七間 土地堂在儀門東

譙樓在縣署左舊名五因樓萬歷間知縣鄔元會建二十

八年庚子知縣馬孟正記

記云分為江以西與區街瘠特甚又百度委廢日久予

初謁銓曹援籌得分朋儕為更相慰勞有若令不可為

良者予亦心難之比單車入境察諸道路疑相嬉以遊

亡甚窳瘠態暨抵邑治則麗譙屏楠歸然飭然擬一巨

都會吏民亦罕有大頑黠杆罔不可訓者稍一鎮戢幾

希子卧理其澹澁而無為長吏潤則政子性好也問分何以能階此僉曰此前令鄒君之所遺也於是暇而登其五因之樓進父老而謂之曰若曹知五因義乎僉曰唯唯此鄒侯之所命名也五因一曰民二曰地三曰財四曰時五曰陋也自有樓而邑治左右崇卑相仍完固翁聚民迺無陰陽之患也其初蓋以利病請也故曰因民也其地則即邑治前棄地不改斥也月令盛德在水營繕始興龍見火見乃戒事也故曰因時也其材即橄取邑西郭外告祀之神祠亡他繁費採取也樓煩市瞰江唯厥壯固不增置旁翼又即其素材丹刻弗華故又

因陋也此五因所自名也鄒侯諸所為宜悉因也因憂病而嗅咻也因刻弊而振滌也因人文否塞而作新也因孤孀而賑恤也因三老孝弟弗率弗謹而懲一二以戒千百也蓋樓之因五而諸所因凡百也諸所因百而因之心惟一也此五因所自起也父老又計樓成之明年夏苦旱鄒侯步禱邑望齋宿是樓者累日夜夢神告之帝且移而滂沱縣令遲明語父老語次雨果滂沱下比侯以淚雨行父老且兼用為識此其說近於語怪然非侯深心為民民深德之何以及此語曰前事不忘後事之師予每登斯樓臨流嘯咏披襟而當南薰蓋儻

然有魚水相忘之意焉廼即父老所稱述勒石以示觀者皆萬歷庚子季秋立

國朝康熙十七年戊午知縣林笙重建自為記

記云邑有麗譙晷漏存焉仰答天杓則昏旦無爽俯循民紀則作成以時其義大矣譙例為治署之正門鈴之譙獨在署之左翼離治署數十武則自有明萬歷邑令鄔公度邑治崇卑之宜即邑前棄地之所改建也譙面西背東左江右市仰嶺峙其前仙臺拱其後鈴峯聳翠鐘昌入望數雲樹於近遠目魚鳥之飛躍居然有樓閣臨觀之勝焉不第如碑刻所記邑治左右崇卑相稱已

也予以康熙戊申來令茲邑其時昇平豐稔民物協和暇日偕僚屬登樓眺望覺景物常新而樓觀垂舊蓋爰爰有將傾之勢予按馬公五因樓記為萬歷庚子歲計斯樓之建距今八十餘年耳何以遂至是則以材取乎因當日撤取郭西告祀之神祠壯而不堅故不能垂乆也予捐貲鳩工扶其將頽葺其垂敝修理整頓幾還舊觀方一年為康熙戊午歲仲夏雷電震凌風雨大作閣竟傾塌無尺椽片瓦得完者予心甚憂之念譙為一邑大觀經始之勞予何敢辭乃與工匠庀材勸士民之好義者捐棟梁之材若干而檁楠椽壁之材則倚辦木牙之

稅竹木其他覆簷之瓦甃垣之磚則罰諸胥隸之惰者
至工貨餼廩之費則予捐資任之厥材孔良厥工孔固
浹春而訖樓上供銅身大士下祀武安王悉仍舊規鐘
鼓在懸暑漏如故兵息民安而此樓適成所謂宣上恩
德以與民休息此其時矣予蒞茲邑一紀有餘於今當
遷轉而其重建斯樓之始末與相材好義及與勞監修
之姓名義當紀述以告來者爰為文勒諸石而刻其姓
名於左工始於戊午年八月竣於己未年十月例得詳
書

忠之解在正廳右

申明亭在縣東

教場舊在邑東後改於邑北西磯岡東嶽祠廢社亭一間

石墩分司舊在邑東四十步今廢

縣衙行憲在邑治東雍正九年改為

上諭亭

湖西道在邑東三十五步今廢

府館明宏治五年知縣曹忠改建今廢

縣丞廳舊在縣署左明天啟間裁

主簿廳舊在縣署右國初裁

安仁驛舊在湖西道東明嘉靖間知縣許從龍遷東門外
後移入邑西崇正間裁

醫學舊在邑東十五步今廢

陰陽學舊在湖西道左今廢

旌善亭舊在縣治東今廢

講堂在府城鼓樓下坐南面北計一廳二間前兩廊後一

廂圍以磚牆左至銅壺巷右至曹姓基地屋前空基前

至大街後至本屋牆脚左至銅壺巷右邊尅除陰陽學

基地一間前至街後至古牆脚屋後空基前至本宅廂

屋滴簷後至天符廟後大路左至牆脚右至曹姓基內

有古井一口乾隆二十五年屋前空基暨造店房三間

每逢歲科府院試闈邑兩庠廩保會講堂查閱文武童

試册辦公別獎所有店屋賃貨收充公用

公館在彬江市東坐北面南計上下二進各一廳二間前

至大街後至甘姓基地左至甘宅牆右至歸化鄉苗基

分宜縣志卷六

倉儲

常平貯之官社倉貯之民

聖朝所以備凶荒者計深且遠也邑於倉儲屢經遷徙始獲善地至司其出入清其弊竇尤在牧民者加之意焉

志倉儲

宋支移倉在縣江之南淳熙七年庚子刺史周必達建歐

陽朴記一作許介

記云袁負山為郡水分東西流一自萍鄉之楊岐逾醴陵以西至於湘江一自萍鄉之宣風循宜春分宜而下

芷山以東至於清江而水於此乎發源渟蓄不厚值霜
勁木脫舟輒膠不進故歲運稍梁入於大江所謂上供
綱者自祖宗時率假廩清江貯所隸三縣聽從便裝發
官吏隸事於外弗克自任厚征苛取惟彼之欲吾袁民
越境輸賦搬運甚苦公私告病殆不能堪乾道丙戌遂
徙之新喻新喻隸清江而距袁不百里宜可從無患而
病猶是也或曰季春之月水時至而綱始發新喻分宜
等耳新喻可為兩分宜獨不可為歟於是淳熙改元又
自新喻徙焉今七年於此矣自七年觀之可以更千百
歲而不易唯是遷徙之初倉廩未備寄寓於縣之僧舍
隘不足以容弱不足以負水運陸走民惕惕若不及賦
入才萬有五千則以盈告且拒弗納曰吾以俟裝綱者
空其廩而後領也又學佛者林焉以處火禁不克修地
勢洼下卒有水變不可禦茨口積石壘戍舟度可著二
百斛而上則藏之深流運小艇十數徃返而取足焉今
大守周公刺袁之明年境內既安開闢視聽寄廩之弊
吏則有請公曰盍求可以垂不朽者定址焉五月水大
至浮圖寄廩壞吏恃益力公益信不疑七月鳩工中建
廩有列廩東西序廩悉砌地而被以木外輔以長幹周
以塹垣而掖之廩之前若左若右繚以虛廓以待風雨

兩廊之間有隙處如廩之地加砌馬凡建置之數為廳
為廩為廊為門為隸舍之屬合五十有七間其累土為
塘廣袤千尺以限內外凡用木二千五百章竹三萬箇
糜金錢百六十萬十月通判黃萊視賦事民輸入無留
難朝至夕歸舳舻相摩輒泊岸下皆相與鼓舞而誦曰
官不我病於今七年病而不病孰使之然莫仁匪基莫
勇匪決彼囂以囂私是巢穴俟有明命於水之陽浴汝
顛蒙視此盪觴俛有贏貲其源其儉爾食爾力而不我
飲於乘其阜於俯其淵侯舉自公畀我便安允也侯德
千古斯在政告來者勿替勿壞介方職是邦實董役事

親見百姓德公施道公美淑第如此天下之事惟要於

既定之後茲役也足以傳不朽於是乎記淳熙七年

濟留倉在水南一里明洪武初立今廢

城隍倉舊在城隍廟前明知縣莫立之因地勢有水患徙

水南兩廩三十間正廳門屋各三間

東倉邑東二十里儒林鄉地名南山

西倉邑西二十里化全鄉地名昌山

南倉邑南二十里柘寮地名新菴

北倉邑北六十里文標鄉地名楊橋以上四倉俱各三間

石鎮倉邑南五十里八都石分市

嚴渚倉邑南六十里十都

美塘倉邑北五十里

漿源倉邑北六十里十八都俱明景泰初知縣吳江建以
上俱廢

萬石倉水南一里東西兩廡明宏治間知縣吳蘭創萬歷
六年推官徐桂署縣重修崇正癸未兵毀

水次倉即起運倉原邑治東門外風雨擅側明萬歷二十
八年虞子知縣馬孟貞建崇正間楚寇犯袁知縣洪名
臣議以倉址改為營房安插添設官兵其起運倉屋移
城內東闕隙地建二十四間以貯南米今廢

國朝雍正三年奉

上諭古者視一歲之上中為儲蓄積之於豐年散之於歉
歲有餘無患法良而意美朕自臨御以來宵旰勤求無
刻不以民依為念乃重農積穀之詔屢下而閭閻率少
蓋藏官倉亦多虧缺茲據江南浙江江西等十餘省督
撫報稱今歲收成八九十分不等朕覽奏不勝慰悅重
為吾民計長久該督撫等可轉飭有司徧行曉諭務須
樽節愛惜各留有餘為他年緩急之需至於社倉之法
亦宜趁此豐年努力為之欽遵在案今將所有倉儲穀
數備書於左

常平

雍正六年知縣譚獻策建倉廩於縣治東天宇號起至創
字號止共四十九間官廳一間

乾隆二十一年丙子知縣楊宏綱重修

乾隆四十一年丙申知縣林邦執重修

實存常平倉穀一萬六千八百八十三碩六斗

社倉

雍正二年甲辰勸捐社穀存於各菑

乾隆二十三年戊寅知縣楊宏綱於各鄉置公所三十六
處貯二千七百九十四碩一斗六升

乾隆三十三年戊子知縣楊國華新建總倉五處各造一
廳二間門樓一座

一城隍廟傍總倉一所計九菑共貯社穀六百九十碩三

斗一升五合 一都四十九碩六斗三升 二都五十

六碩五斗四升 三都五十七碩五斗七升 十五都

五十六碩一斗 十六都五十碩九斗九升 坊廂四

十五碩六升五合 東廂四十五碩三斗五升五合

西廂四十二碩一斗一升 介橋二百八十七碩六升

五合

一新菑村總倉一所計七菑共貯社穀二百九十八碩五

斗七升五合 四都五十二碩一斗六升 五都四十

九碩八斗二升 六都五十碩八斗一升 七都四十

五碩八斗九升五合 八都三十三碩二斗七升 九

都四十七碩二斗 十都四十六碩四斗二升

一昌山村總倉一所計九畝共貯社穀四百六十五碩八

斗五升 十一都六十一碩三斗四升 十二都五十

一碩四斗三升 十三都五十一碩九斗 十四都四

十六碩七升 十九都四十九碩五斗二升 二十一

都五十碩六斗四升 二十三都五十一碩九斗七升

二十四都五十碩九斗七升 二十五都五十二碩

一升

一雙林村總倉一所計六畝共貯社穀二百六十三碩八

升 二十都四十三碩八斗八升 二十二都四十六

碩四斗九升 三十二都四十五碩七斗三升 三十

三都四十一碩六斗三升 十七都四十三碩四斗二

升 二十六都四十一碩九斗三升

一楊橋村總倉一所計九畝共貯社穀四百九十三碩

二十七都四十七碩三斗六升 二十八都四十八碩

七斗五升 二十九都六十九碩七斗一升 三十都

五十六碩五斗一升 三十一都五十五碩四斗七升

三十四都五十八碩七升 三十五都一畝五十五碩
五斗六升 三十五都二畝五十一碩三斗六升 三
十五都三畝五十碩二斗一升
乾隆四十一年伍倉共貯社穀二千二百三十七碩零八
斗二升

分宜縣志卷六

坊表志

棹楔之立榮君賜也邑雖僻壤而賢哲代興其表厥
里宅類非梓致他若彤管貽美潛德攸彰並足以礪
俗維風三復茲編殆亦紀往勸來之一助云志坊表
坊表

承流宣化坊在縣治前

冬官大夫坊在縣治右明嘉靖間為叅議袁應樞立

崇儒重道坊在儒學前明宏治十年丁巳叅議孫儒立

登第坊在儒學東明永樂二十年壬寅為鄉舉郭儀立

義路坊在學頭門內 育材坊在學門西 興賢坊在學

門東以上三坊俱明萬歷二十四年丙申建

進士坊在儒學右明成化八年壬辰為九都雙源李雲立
應宿坊在縣治東為山東鄒縣知縣張壽立

新民坊在城內傅家巷明永樂七年己丑知縣汪澍立

宜陽駐節坊在安仁驛前

招賢坊在邑東二十五步

義泉坊在邑東九十步清源橋東

紫微坊在邑東九十步為舉人趙鳴鈴立今廢

善和坊在邑東五十步

折桂坊在邑東百五十步

鳳翔千仞坊在邑東廂明正德八年癸酉為鄉舉趙鑑立
特進柱國坊在邑治東大學士嚴嵩立今存

三元坊在邑東百二十步為狀元盧肇元歐陽元明會元
黃子澄解元易宏器立

盛世人文坊在邑治東明萬歷間知縣周應治以三優遺
址為國科第改建今廢

進士坊在邑東北儒林鄉漢明永樂十三年乙未為楊
淵立今廢

狀元坊 衣錦坊 登瀛坊以上三坊在邑南大清里元

至正間知縣趙思順為歐陽元立

清門坊在防里歐陽元為族人書立今存

登雲坊在招賢鄉六都新齒明永樂十二年甲午為鄉舉

胡永常謝文立今廢

經筵坊在邑南十都大礮下明崇正間為鴻臚鳴贊朱光

國建今存

折桂坊在邑南招賢鄉十都山口鳳林前為舉人宋觀立

賓賢坊在招賢鄉折桂坊下

伯祿坊在縣西門內 大師傅坊 元輔里坊俱在東門

內以上三坊明嘉靖間為大學士嚴嵩立

永慶坊在邑西四十步

福壽坊在邑西五十步

文武承恩坊在邑西門外為嚴瀉嚴鶴立

洪陽洞天坊在縣西北袁嶺第七峯

父子科貢坊在邑西箬坑為都憲李香慶餘立

重恩坊在邑北十五里化全鄉封大僕寺寺丞嚴仲溫子

嚴迪聰立

登煥坊在縣治西側明永樂十四年丙申為鄉舉袁象賢

立

大方伯坊在邑北十五里化全鄉介橋為嚴孟衡立今存

三傳坊在邑北化全鄉贈少傅嚴璉嚴巖嚴准立

科貢坊在邑北車田為鄉農袁象隆貢士袁瓚袁怡立今

廢

鄉雲坊在邑北五里西崗明嘉靖十五年丙申為編修彭

鳳立今廢

大夫第坊在邑北金塘為羅諒立

作新坊

世科坊為鄉舉張材張澄立

衣錦坊在邑西二十五步為李觀立

節孝坊

雙節坊在城西二里為生員袁應藿妻趙氏袁應槐妻

氏立

一在邑南豐樂鄉逢塘為生員楊邦吉妻王氏立

一在邑西城外官路傍為民人張致浩妻袁氏立

一在縣治西雍正十三年乙卯為增生張世坡妻鍾氏立

一在邑南三十里招賢鄉七都鷺溪乾隆元年丙辰為生

員王昭鏞繼妻金氏立

一在邑南九都雙源為歲貢生李楷繼妻謝氏立

一在邑北七十里文標鄉夏塘乾隆五年庚申為鍾琳妻

曹氏立

在邑西北六十里文標鄉樓霞乾隆十年乙丑為生員
黃紹中妻林氏立

在邑南豐樂鄉防里為生員歐陽信妻王氏立

在縣東門外乾隆二十年乙亥為趙繼顏妻張氏立

在邑西四十里文標鄉蒲坊乾隆二十八年癸未為袁

鳴鶯妻丁氏立

在邑北十五里化全鄉介橋乾隆三十五年庚寅為南

雄府經歷嚴宗期妻朱氏立

在縣東門外乾隆三十六年辛卯為監生趙廷來妻張

氏立

在縣東門外乾隆二十年乙丑為趙繼顏妻張氏立

在縣東門外乾隆三十六年辛卯為監生趙廷來妻張

氏立

在邑南豐樂鄉防里為生員歐陽信妻王氏立

在邑南豐樂鄉逢塘為生員楊邦吉妻王氏立

在邑南九都雙源為歲貢生 搢繼妻謝氏立

在邑西

為 袁氏立

在

為 洪克隆

為生

貢生 賈妻 氏立

雙節坊 貢生 袁 氏立 袁應槐妻黃

氏立

一在邑西十里文標蕭切於隆

鳴駕 氏立

一在邑北十里樓 十年乙丑為生員

黃紹 氏立

一在縣西雍正三年 氏立

一在邑北一五里 氏立

雄府經歷 氏立

一在邑北十五里 氏立

嚴宗堡妻黃氏立

一在邑北十五里化全鄉介橋乾隆四十年乙未為監生

嚴宗堡妻黃氏立

一在傅家巷乾隆四十二年丁酉為傅齋麗妻李氏立

百歲坊在邑北六十里圳上乾隆二十四年己卯為民人

黃堤八妻張氏立

分宜縣志卷七

祠祀

有民新節，節也，憲德報功，爰肇祀典。壇壝祠廟之內，靈爽實式憑之。其載在令甲者，他邑從同。若鈴岡之作鎮，表忠之特建，孝通之舊蹟，唯分宜得舉焉。遵定制，奉前賢，徒馨香俎豆云乎哉！以答生民，以捍災患，以扶名教，胥視此矣。志祠祀。

壇壝

社稷壇在縣治西郭外，即宋州社壇。邑令程彥立明洪武初制，天下立社稷壇。七年，知縣戴儀納摹制，重立。每歲

春秋仲月上戊日縣官偕各官致祭 國朝乾隆九年
奉文頒發祭器用幣一羊一豕一劓一籃一簋一盞一豆

四壇基東西廣 丈南北袤 丈

祭文 乾隆九年頒行

維 神奠安九土粒食萬邦分五爲表封圻有三農
而蕃稼穡恭承守土肅展明禋時屆仲春敬修祀樂

九九松栢鞏磐石以無疆翼翼黍苗佐神倉於不匱尚

饗

風雲雷雨山川壇在縣東郭外宋元紆簡立風壇在西門

外雨壇在北門外明洪武二年分郭餘增祀雲雷每歲

祭社稷壇畢隨祭風雲雷雨併合山川城隍同壇而祭

其祭品儀式同社稷壇壇基東西廣 丈南北袤 丈

祭文

維 神贊襄天澤福祐蒼黎佐靈化以流形生成永賴

乘氣機而鼓盪溫肅攸宜磅礴高深長保安貞之吉愿

依鞏固實資捍禦之功幸氏裕之殷盈仰神明之庇護

恭備歲祀正值良辰敬潔粢豆祇陳牲幣尚饗

先農壇在縣東門外距城二畝四十步雍正六年知縣譚

獻策奉文建造厲山左巽帶右后稷配每歲迎春之日

行耕籍禮仲春致祭祭器用幣一羊一豕一劓一籃一盞一豆

簋一磁 簋一竹絲 籩四木豆四磁 著樽一磁 爵三木 祝
版一木豆四磁 壺二燭 臺二盥盆一盥架一燂盆三鐵
鑪二磁 登一

祭文 乾隆九年頒行

維 神肇興稼穡粒食烝民頌思文之德克配彼天念
率育之功常陳時夏茲當東作咸服先疇洪懌

九五之尊歲舉三推之典恭膺守土敢忘勞民謹奉彛章
聿修祀事惟願五風十雨嘉祥恒沐於神庥庶幾九穗
雙歧上瑞頻書乎大有尚饗

常雩壇乾隆八年奉行每歲孟夏月上辛日即於先農壇

上行禮祭品儀式與先農壇同

祭文

乾隆九年頒行

恭膺

詔命撫育羣黎仰體

彤廷保赤之誠勤農勸稼俯惟葑屋資生之本力穡服田
令甲爰頒肅舉祈年之典惟寅將事用申守土之忱黍
稷惟馨尚冀明昭之受賜來牟率育庶俾風雨於蓋藏
尚饗

祭乾隆八年頒行因水而祭於城門其祭品用幣一朶
一羊一銅一簋一籩一籩四豆四

祭文 乾隆九年頒行

詔命臨民職司守土惟兆人之攸賴並藉神功異四序
之常調羣蒙福蔭必使雨暘應候爰占物阜而民安庶
幾寒燠咸宜共慶時和而歲稔仰靈櫺之默運聿集嘉
祥襄元化以流形俾無災害尚饗

邑厲壇在縣北門外明洪武初立每歲以三月清明七月
望十月朔日祭無祀鬼神迎城隍主之

五穀壇即里社洪武初建三十五所在各鄉都祀土穀之
神其制則周繚以垣中立土壇歲一戶輪次為首春秋
二社祭之

鄉厲壇三十五所在各鄉都今廢

祠廟

闕帝廟在邑東城外萬年橋南明嘉靖間建

國朝康熙十五年丙辰知縣林笙重葺乾隆三十四年己
丑知縣楊國華倡修每歲祭以春秋及五月十三誕日
雍正二年奉文加享用牛一羊一豕一帛一菓品五儀
式與文廟同

祭文 乾隆九年頒行

維帝浩氣凌霄丹心貫日扶正統而彰信義威震九
州完大節以篤忠貞名高三國神明如在徧祠宇於寰

區靈應丕昭薦馨香於歷代屢徵異蹟顯佑羣生恭值嘉辰尊行祀典筵陳蓬豆几奠牲醪尚饗

按闕帝謚號宋祥符五年封義勇安王徽宗朝加封崇寧至道真君 國朝康熙間封忠義神武闕聖大

帝乾隆三十二年丁亥加封忠義神武靈佑闕聖大帝四十年丙申特 諭交武英殿將前旨刊載官

版及內府陳設書一體增入四庫全書

闕帝三代雍正五年奉文加封公爵

曾祖光昭公

祖裕昌公

考成忠公祭闕帝日先詣後殿行禮儀式如崇聖祠祭品

用羊一豕一帛一遷四豆四

祭文 乾隆九年頒衍

維 公世澤貽庥靈源鬱慶德能昌後篤生神武之英善則歸親宜享尊榮之報列上公之封爵錫命優隆合三世以肇禋典章明備恭逢諫吉祇事薦馨尚饗

城隍廟在邑治西四十步明洪武初知縣張仁建

國朝康熙元年壬寅知縣朱鵬修二十二年癸亥知縣蔡

文鸞重修乾隆二十年乙亥知縣陳大經重修三十九

年甲午知縣林邦琬倡修重加典潔

按祀典每歲春秋二仲月合祭於山川壇清明中元及十月朔祭邑厲壇則迎城隍神主之月之朔望知縣率官屬恭謁行香守土新任先期備儀以致祭告表忠祠在邑治西新街口上袁家巷內

乾隆四十一年正月初七日奉

上諭前以明季殉節諸臣為其主義烈可嘉自宜查明錫謚因命大學士九卿京堂翰林科道等集議奏聞竊以褒闡忠良風示來世茲復念建文革除之際其臣之仗節死難者史冊所載甚多當世永樂位本藩臣乃犯傾稱兵陰謀奪國諸人自當義不戴天雖齊泰黃子澄

等輕率寡謀方孝孺識見迂濶未足輔助少主然迹其遵主鋤強之心實堪共諒及大勢已去猶且募旅圍存抗詞抵斥雖殞身湛族百折不回洵為無慚名教者其他若景清銖鉉等或慷慨捐驅或從容就義雖致命不同而志節凜然皆可謂克明大義甚至如東湖樵夫補鍋匠之流雖姓名隱晦不彰其心均足嘉尚特以永樂性成殘刻逞志淫刑其屠戮之慘極於瓜蔓牽連殆非人理朕讀史至此未嘗不深憤恨迨其中葉雖少弛厲禁而彼之臣子徇私曲諱終不肯顯示褒揚使忠臣義士之氣久弗獲伸殊堪憫惻夫以勝國革命之時其抗

分宜縣志 卷一
我顏行者尚念其忠於所事特予表章矧建文諸臣不幸遭遭內難為國捐生成仁取義豈可令其湮沒自當一體議諡以發幽光而昭公道其應如何分別予諡之處著同前旨交大學士等一體詳查集議具奏稱朕崇獎忠貞有加無已之至意欽此

大學士舒赫德等遵

旨議奏

內一條開

明代殉國諸臣所處時地不同其素行

亦各不一按大戴禮白虎通論諡大名小名並著其文應請仿其意而變通之定為專諡通諡之法其有生平大節卓然可稱而又艱貞自靖百折不回者自宜特予褒崇按各定諡若平時無甚表見而慷慨致命志節皎然則彙入通諡之例其較著者為忠烈忠節次則為烈愍節愍期於考行稱名各有攸當

明正德中知府羅輅知縣嚴鳳建祠祀太常卿黃子澄副使邵銳記

記云維我皇祖開天統壹海宇紹植人紀文廟入繼大統於時忠烈之臣以靖獻於皇祖若太常寺卿分宜黃公總九族若鴻毛尚暇計一身耶又暇逆冀後之闡揚振厲俾英聲義概與天壤爭不朽耶公蓋可謂純臣也已惟我文祖僂美湯武惟我諸彥庶幾夷齊嗚乎懿矣

小子弗類正德庚辰承乏江西視學爰檄有司祠以享
公用彰道化表守羅君輅邑宰嚴君鳳從而繼之邑博
潘君廷憲與士民之良者樂而相之樹堂三楹翼以兩
廡負幽向明規構實善妥靈之朝邑子咸集顧瞻嗟咨
高山仰止勃然同心彰往勸來不可無紀故不敢以不
文辭作祠堂記

萬歷六年戊寅知府趙惇與檄知縣趙夔日重修額曰表
忠十四年丙戌知縣周應治清查墳地置祭田勒石祠
中自為記

記云愚嘗觀漢文帝赦季布之罪而知英君詎辟其度

量豈不超越尋常也哉文皇帝之言曰使練子寧在吾
且重用之而語請戮罔是修者曰彼食其祿各盡其心
竟舍之不問莊誦此語文皇帝其儼然漢高之度量歟
而激勸之微權寓矣鞠是洪熙之初仁廟特賜赦於四
民穆廟登極遂有詔勅諸公空同李公各視學也則祠
祀練公子寧於金川立泉邵公之視學也則祠祀黃大
常於茲邑子守官於此每展先生祠下慨先生苗裔不
留秩祀之外無以秦時祀者適先生六世孫雲自金陵
持牒來歸而予謀以居之祠之無得也則又慨然矣會
縣治重修得羨金五十兩乃為置田叁十五畝地三畝

五分以備時祭之需庄舍三楹以居耕佃又為給牒復
其身照生儒例使朝夕祠下以安先生之靈其識諸產
坵段於碑之陰以杜後人之私相授受者脫有之即以
盜賣官產不詢來歷之罪罪之凡此蓋亦仰體列聖勸
忠之微意竊附李邵二公好德之盛舉也作畢森忠祠
祭田記

國朝順治十八年庚寅補北守道施閩章檄知縣朱禹重
建後兵毀

康熙四十五年丙戌知縣周開緒重修祠左建立義學自
為記

記云夫常卿黃公膺儲君師保之重承太祖顧命之隆
節烈芳聲忠貞懿行既昭明國史彪炳寰宇而世系源
流慘罹顛沛又見於列傳詳諸碑銘矣爰考明成祖於
漢王謀逆之後追想公言旋已悔悟然僅得稍免其禁
至隆慶時始邀詔復官秩表忠崇祀是蓋精神之不能
久鬱而食報明裡允昭定論也因公後守墓崑山隨立
祠墓所其分宜專祠則為督學邵公所建時有四明周
君應治者來令於茲會公六世孫雲告請復諸贖牒回
里周君為之查復其祖塋基產又以修理縣堂之支剝
公銀五十兩為置祭田三十五畝零并地三畝五分零

主守官業以綿祭掃不意雲竟乏嗣祀墓無主歷今百
數十年棟宇傾圮頽垣斷礎徒存俎豆虛名衰草寒烟
幾失邱壠舊跡良可慨焉予始至瞻拜公祠相顧嗟然
因念公凜凜忠節扶植綱常為人倫儀表使祠宇蕪穢
以廢祀典是亦有司之事儻敢以職微祿薄物力艱
為諉用是勉捐庀材以為首倡益以勸諭設法而構成
之雖艱基地舊貫不加而廟貌聿新威儀有赫庶上足
以仰副邵公創建遺意至黃公所葬祖墳山併基地田
畝率皆散處各鄉越雲回籍復業以迄今茲年遠世隔
強為隣近所侵甚至有毀壞舊碑冒為祖塚而續莖其

下者竊念先賢祖墓允宜防護安可以無主之故任其
侵消恐日久湮沒難稽謹就萬歷十四年周君勒誌各
地名逐為清理但誌載簡畧稽勘茫然幸賴老成好義
留心舊跡從予跋涉歷為指點始免有所依據免致
混淆仍有志所未載而為里民舉報者亟得清出茲予
告請歸養未克竟事深望於來者之有心焉

乾隆二十三年戊寅知縣楊宏綱重修

乾隆二十九年甲申知縣楊長桂倡率邑人捐貲興修兼

學合併表忠祠增置張姓房舍亦聞

詳學校

乾隆三十二年丁亥知縣楊國華奏寔子澄神主於正龕

中左列黃氏同姓鬼神四十六名
右列黃氏異姓鬼神
袁子良郭汗杰袁彥輝袁彥鼎袁彥英郭子敬趙仲昇
趙孟昇等五十四人

祀典每歲春秋二仲戊日有司致祭用品用羊一豕一帛
一菜品五儀與名宦鄉賢同知縣嚴鳳撰祭表忠祠文
云惟公學冠禮闈位正清鄉堂掌大節凜凜如生忠義
之府綱常之程公論既定祀典攸行茲惟仲禱式薦築
盛眾靈附食追體至情神其降鑒副微誠

併附祭同時與雜同異姓鬼神云告爾眾靈列於東
者黃氏同姓鬼神四十六名於西者黃氏異姓鬼神
五十四名吾聞有一邑者一邑之主鬼神攸屬法華既
同太常之難享太常之食例收邑屬隣汝幽爽祠有常
祀汝其來饗

黃太常祭田三十六畝坐落二十三都洲背魚塘園地數
號坐落九都康熙四十六年丁亥知縣周開緒查明建
祀以為香火之資每年收市桶租穀三十六碩基地十
一間徵租銀五分花土三分徵租銀五分魚塘八分收
租穀一碩

又舊有聖因寺因康熙十三年兵燹之後寺毀僧逃遺有
寺田六十三畝八厘地三畝五分坐落三十二都鷄足

寺康熙四十七年戊子知縣周開緒查清歸於義學每年收漕斛穀五十六碩五斗二升五合

前項祠寺田租每年撥與時價發賣以為該年祭祀燈油香火完糧修祠脚費以及義學館師束修筆紙飯食與給贊禮之用並修祠費用原無定額

又前知縣于存斌捐銀千兩交監生張尚釗領收生息以為義學添置田產乾隆十二年丁卯繳過本利銀二十四兩未經出借生息現存在庫

附崑山縣表忠文案

崑山縣廩增附貢生龔邦衡等呈奉查得建文忠臣黃

子澄江西分宜人建文時與兵部尚書齊公泰同心輔政其始也力陳大計而國已不支其終也身被支解而家已不保即建文君違其先事之謀而縱景隆之貳志主臣淪沒於一朝然文皇帝思其臨刑之語而削漢藩之護軍宗社靈長於萬世則生不肖於王魏而死之有闕於綱常者大矣顧江西無遺類而黃宗自改田經吳中非故鄉而崑版獨編珪玉是以家咸寧者去墓墳而之他國雖近有祠祀而首印不存名彥修者收骸骨而瘞新邱雖久未表章而手澤尚在按大常公親題譜中有云莫謂海鄉非故國子孫應保碧山阿之句與今墓

誌所載適相符合蓋危難之際微行至蘓與郡守姚公善起兵勤王自分必死是時存孤守節並行不悖後乃塋於馬鞍山下終得其力迨今蔣乾等有訟而人始知之亦數之前定者矣不然宋初卜分宜之墓曰馬鞍今也瘞公之骨亦曰馬鞍國初發葦除之黨曰蔣乾今也訟公之墓亦曰蔣乾皆天也非人也夫大常公之死與齊公恭方公孝孺練公子寧同其烈而郡守姚公善義堅死守與城存亡竟不顧其身而克全大節公子彥修志切存祀相時行止卒不露其迹而克遂初心凡大常公之有子有墓以至於今日者此公之謀也彥修之力也劉侍御璉為大常公作誌時方當諱言之日故譜中

不載而載公子彥修輝及公孫釗之誌稍稍互見在前輩沈魯集中可考也今遇詔訪建文忠臣而大常公誌石出於墓前土中有雷轟地裂之異豈非忠臣之氣湮鬱百五十餘年而一旦逢時遭會特顯靈瑞耶夫形骸在於於是英魂在於是必為之祠祀而使有所儆廟貌恒於斯血食恒於斯必為之立嗣而使有所繼在先聖王崇德象賢有由然矣若夫郡守姚公敦朋友之誼而上不負其君公子彥修篤父子之恩而下不絕其嗣與大常公祠並祀可也至於大常公立祠當於墓所而擇其

子孫讀書知禮義者主之可也其將乾等所訟良由古塚陵夷而山民售之以蹈不知之罪故碑隱密而天公借之以昭不測之神此石一出而無餘事矣

崑山縣申文恭照得黃公子澄生前忠節自持乃戮族於國家有事之秋死後英靈不磨復見碑於他人告訐之際功德顯著輿論有孚精忠格天幽魂宜慰相應建祠修墓仍立裔孫奉祀不惟崇德報功亦可垂勸後進矣申道道批看得黃大常當國難以捐軀其子黃彥修歷艱厄以歸骨百年遺塚久湮沒於蓬蒿千古精英尤

昭垂於宇宙幸際熙朝之履詔述呈荒塚之殘碑迹跡異常事關世教既經覆勘明實相應待表封卹仍修祠

宇恤錄苗裔申本院本院朱批據呈諸生人等查勘黃大常墳墓等事已確明矣則黃卿之精忠英魂真可謂動天地格鬼神也且白日飛雷碑石乃出黃昏遇訟忠義斯顯非惟得彰示忠臣遺迹適又當褒恤之盛典君子於此可以觀天人之際矣及查黃氏子孫非知府姚公深思遠慮別姓收籍何得復有遺類况其據城固守臨難不屈信無愧於顏氏兄弟而篤友託孤保全信義又何愧於孫陳兩賢相應並祀以表英風

正統元年丙辰十月黃大常妹順貞追薦青詞畧云缺

傷先兄太常寺卿子澄黃公二神主原命己亥年十二月二十六日子時生享年四十有四歲不幸於壬午年六月二十五日在京身故骨殖未收亡兄嫂李氏二神主原命生於丙午年不幸於壬午年在京身故骨殖未收伏惟先兄黃公讀聖人之書早登科第授翰林之職遂擢太常膺寵九重揚名四海惟務盡忠於國豈期獲罪於天族滅宗親禍連骨肉遺腹有子處京師而弗歸承嗣無人將第宅而貨易於以薦揚於祖考於以超度於弟兄特修靈寶之因普度幽冥之苦伏願矜憫裙屐之恩困垂憐兄弟之沉魂貸宅宇以修薦度之因丐宗親早遂超生之果盡忠報國可憐身死於幽冥以死易生俾獲名垂於竹帛幽冥普渡存沒均沾

附籍沒文畧洪武三十五年九月內刑部因字二十九號勘合差錦衣衛尉魏旺百戶周智將軍賈福等抄沒得黃子澄家財金銀首飾二十餘兩棉苧布衣鈔數十斤錫器三斤田二十九畝二分水牛一頭房屋十九間太常六世孫雲因奉恩詔勵節褒忠具呈禮部回籍當差告乞移文原籍清查屋田查得現在應給田地共六畝四分墳山地九處屋基計十一間送冊申院奉本院批太常所遺墳山基屋既查明即給覆黃雲管業仍查

本宦有無專祠令黃雲守祀再置祭田二三十畝查其
堪動銀兩另詳等因奉此遵照查動庫貯修理縣堂支
剩銀五十兩置祭田三十五畝申院并墳山若干勒石
記後

計開

一二十三都四畝地名洲背上祭田一十一畝八分五厘計三十一坵

一民地析水田二十三畝九分計五十二坵

一田一畝六分

一田四畝五分地名大田上黃蓮樹下

一西坑祖堂屋基一所計一十一間

一房屋三間廡屋四間

一墳山一所地名唐家邊

一墳山一所地名十五都冷水陂仙師嶺下照天燭
右青龍潭之左

一墳山一所在邑南小芒村康熙四十九年知縣周

緒勒石

一墳山一所地名東廂店背

一墳山一所地名城隍倉背剪刀坑

一墳山一所地名三十五都黃岡嶺

一墳山一所地名范草里

一墳山一所地名賀源下賀觀邊

一墳地一所地名西廂范家巷

一墳地一所地名新葛塘下金猫捕鼠形

一墳山一所名宜春詔君鄉馬鞍山

一墳山一所地名四都北坑

一墳山一所地名十二都野源

一門前魚塘一口

一秀溪臺地基一片

一花土園地三畝五分計八片

一地一片三分

一雜柴杉山一片分龍嶺為界

明袁業泗謁太常祠詩云六駕飛龍渡水濱孤忠獨往
不謀身亦知犬馬懷恩舊誰謂夷齊慕義貞一片肝腸
紅日映千秋俎豆太常新古來政要貞觀美王魏如何
得比隣

邑紳趙被經表忠祠詩云祠廟當年似劫灰離離禾黍
共遲徊建文往事存忠烈正史新編仰

聖裁公論兒童知節愍貞魂墳墓動風雷溪毛舊地間中
過彷彿靈旂閃閃來

三皇廟在縣署後元至元五年改建虞集記

記云國家制太常禮儀院以奉天地祖宗之祭外則山川鬼神之祀典咸秩焉其長貳恭佐千數人通領之典故論議屬諸博士而執禮治樂器服幣各有攸司是故千羽舞蹈之容律呂始終之奏玉帛品物之節醪醴牲殺之儀遷豆鼎俎之實升降進退之宜鬼神享格之義凡從事於斯者莫不通習而具知焉故其出為外有司以其見聞施諸行事則有非他官所能及者若分宜縣令周君益臣自戶部吏權為太常塚者數年歲滿宰晉寧之安邑又宰表之分宜所以能倦倦不忘於三皇之

廟祀也郡縣之祀境內山川鬼神之在祀典者有詔令則修祀焉有故則禱焉其定制通祀惟社稷與夫子我國家始建三皇之廟以祀伏羲神農黃帝自國都至於郡縣通祀為三矣昔者分宜始奉令立三皇廟因縣簿之舊廳以為廟在縣治之左今令居之右歲久屋壞遷神於門既勿妥又寓神於他神之廢祠朔望謁拜與歲時祭祀守官於此者視為故常漫不加省周令以嘗從事於太常也獨知懼焉而邑無他賦可以庀役而心無一息之安也為政年餘歲豐民安粗有餘力乃撤故祠新之度故祠之基東西得一十六丈自通衢達於市深

十有二丈作開天之殿以奉三聖人刻貞木以象之容
服之飾如京廟所定殿有開天之門外有樞星之門殿
前有三獻官之次門左為惠民藥局右則守廟者處焉
而部官環屬於外門作於仍改至元之五年三月告成
於八月六日嗟夫為國之以禮者尚矣習於其文者尚
能有所感發如此况乎深知其本而得其意者乎噫聖
人之為斯民慮者周矣醫之為義其一焉人之生也有
形體血氣之養七情傷乎內六氣滲乎外與夫變異傷
殘之不虞隨而拯之者其職也若夫推本於五星者蓋
欲斯民涵泳於至和之中休休焉以安矣

樂於無為而永於天年也而至於不識不知順帝之則
豈非聖祖神宗記廟祀之初意乎長民之君子尚因是
而思焉至元五年歲在己卯具官虞集記

仰山行祠在鈴岡之巔唐永徽間建舊傳宜春徐璠服賈
維揚永徽二年買舟歸有二書生托載自稱蕭姓歷江
湖湖秀水而上風利舟駛行一日夜至水南二生登鈴
岡顧望久之與璠別曰子家仰山之陰石梁之石子如
訪我則叩石以呼以是知二生為仰山之神後人因於
鈴岡建祠祀之曰鈴岡廟

明洪武初邑人李成叔重建燬於火

永樂八年庚寅知縣汪樹倡捐重建祠宇

正統九年甲子邑人趙杞材詳記興造緣起

記云夫神之為德不可以形聲求而可以誠意格不啻
誦媚祀而可以廟祀享蓋有一方之人物必有一方之
神為之主宰所以捍禦一方之土地而福一方之人物
焉豈其福者可不思所以盡其誠敬之心而立祠以祀
之哉袁之一郡據乎吳楚之間隸乎江西之域以其山
之高大而為是郡之鎮者曰仰山仰山之神有二始未
知其姓名不敢強為之說及考志書自漢文帝時始立
於仰山

之興至唐永徽二年賈人徐元壽

自維揚有二書生稱蕭姓叔字大分季字隆托載而還
歷江涉湖遡秀水而上風利不可泊一日夜至水南二
生登鈴岡策馬石穴卓篙泉湧顧望久之與璠語別曰
家仰山之陰石梁之右子暇訪我盍叩石而呼以知二
書生為仰山之神矣後人於二生與璠別之處立祠以
祀之曰鈴岡廟別立一祠於正廟之傍曰徐公祠以祀
璠至唐元和十五年刺史韓愈以旱禱於古廟而有感
應由是仰山之神靈益著其祠在堵田者曰正廟在瀨
遷者曰古廟在郡曰宜春臺廟在分宜曰鈴岡廟天祐
間錫爵通侯叔大分積封祐德顯烈福善寧濟王季隆

積封敷德威仁英顯康濟王廟號孚惠考妣王妃皆五
字封二妃與公夫婦皆八字封錫于典冊於茲為盛鈴
岡者一水自新澤而來流於山之東一水自長富而來
流於山之西兩水夾一山於中故曰鈴岡萬山環拱於
其外一水滌洄於其前臺殿隱映乎林木樓閣崇凌乎
霄漢真神靈所居之地也其廟宇自漢唐至於宋元不
知幾興廢不可復識夫我朝自洪武初邑人李成叔重
建宮宇後被野火所毀邑之人葺一小室以祀神聊蔽
風雨而已至永樂八年歲旱邑之賢令尹微之黜縣汪
侯樹為民祈禱於祠大雨方百里以蘓吾民遂令邑之
老人趙邦魯胡禮中遍募於分宜新喻兩縣人民之貲
財重建祠宇規模壯麗僅足以祀奉於神矣至於祭祀
賽會蓋有古典古廟亦有春秋二祭鈴岡缺典前令姑
蘓周侯瑛二尹瀏陽李侯忠臨溪劉侯英判簿先化劉
侯禹長史陳侯瑄使民春秋二仲月望日自備牲醴而
祭以為常典後又有廬陵道人彭敬道求奉祀竭力募
緣增建觀音閣南嶽注生注祿注壽之祠於兩傍俾上
足以奉祀乎神而陰騭於下民下足以容夫官民之祭
拜而盡其誠敬之心晨夕瞻仰夫神之威靈烜赫默運
於兩間洋洋乎如其上如其左右無往而不在凡

民有事至誠以禱之無不感應以福於民者斯其所以
為民之福主也古有舊碑元末兵燹之後舊碑所載祠
之始終興廢事蹟遂皆殘毀住持廟祝黃及坊鄉之老
久遂以志書所載之事蹟告於官請勒於石以紀夫神
之靈貺而及祠之悠久與國咸休焉并具春秋二祭之
祝文迎送神之樂歲以為常典俾勿毀焉

邑令李元弼撰祝文云仰惟 二王神靈烜赫福我生

民永鎮茲土維茲仲春禮宜秋報祀謹具牲帛庶品用伸

常祭

明宏治十二年己未冬邑人蕭模撰鈴岡鐘記銘

記銘云分宜鈴岡祠宜民之福繫焉宜民有禱如鐘應

扣其顯迹之來祀典之盛亘百年猶一日也然祠宇日

新基址愈漸增樂善善施無不各臻其極惟所鑄舊鐘

其重不過千斤故其聲之發不足警居民之聽邑掾吏

兵等六房一日同募緣及此乃相謂曰神為是邑之福

吾等所邀福者是鐘之作宜增其舊於是眾皆會從如

出一口召匠計之須二千金遂各捐已貲以成其事工

既畢命予銘之銘曰鈴岡之高上極於天鈴岡之祠蓋

亦有年蒲牢大吼其聲大全驚乎百里徹乎八埏宜民

深省早作夜眠有災必禳有善必遷二聖孔昭顯化無

遼叩之即應若叩鐘然善財所施不忘其賢名垂久
慶及綿綿何千年代當永其傳後之考者觀斯銘焉

崇正十六年癸未張獻忠來寇祠宇悉毀後構數椽迥異
前制

國朝乾隆二十五年庚辰知縣楊宏綱建復

按嘉靖志載宋熙寧八年特封福善靈濟王大觀四
年加封顯仁福善靈濟王政和七年加封佑德仁
福善靈濟王與趙杞材所記天祐間封祐仁

明王守仁過分宜望鈐廟詩云共借奉頂行古
靈神楚俗多尊鬼巫言解武人望祀存

民世事渾如此題詩感慨新

邑令祠在邑南大清里元至正壬午楚文公歐陽元秦族

子所性立祀南唐宜春令殊後以元配

學士祠在邑南大清里祀元翰林承旨歐陽元

閔城君廟在邑西昌山波祀龍母唐太初間宜春令盧
建盧肇記

記云昔者秦毒天下鬼神爰主英精輕質潛躍失次故
龍遁乎漲海之涯託乎嫫媧之室圓苞不陳霞錦相光
鱗鬣未生風雨如晦媧既耽之在手覆之以衣一夕嵐
靈欲震雷電皆至龍遂育焉厥後媧以母龍以子提

縈繞如乳如嬉或游於泉或游於澗姥方朝膳必薦鱗鱗他年姥斲鱗於溪龍游於水尾觸銛鋒姥駭視之則墜數寸矣因游泳去於是盤天乘風出幽入冥恍惚變化潛乎乾戰乎坤不知其所往矣姥恨其誤傷竟不復至而姥亦逾乎鮎鯉克慎厥化姥無姻戚閩城葬之水涯龍乃寓形於人衰杖如瘵洩苦涕塊哀呼淡日謂人曰塋我母早矣他日潮水鬻之非塋所也其將假爾馬牛為役以遷於塋葬一夕風雷大至明日視之則姥之封若覆夏屋矣在於山巔里之中牛馬皆殆不欲乾衰經者亦亡所在閩城人立姥及龍之像以祀之

而龍降於祠堂長短大小視無常質人誠禮之則飲厄酒僮衣繞軀玩狎如喜其能司人禍福若有權量度衡馬自秦至於聖唐千六百餘歲其靈不泯今乃有龍伯龍叔龍季馬伯則舊也叔季不知何代相踵而來今皆在閩城元和中故宜春令盧府君嘗遊宦南越乞靈於龍夢龍伯語之曰君將宰邑江西其致我馬許之及大

和五年壬子

據文標集作壬午若以通鑑考之

府君來

大和五年辛亥六年乃壬子也
宜春遂立祠於邑東昌山津右府君諱萼舉孝廉三遷為宜春令始至遇邑大饑令豪族以陳積周貧故得不病不流民從其化夫神物泄乎陰府君之美政為龍之

輔乎余於府君為宗姪故悉始終龍姥之事及府君置祠之旨焉姥温姓閩城人也閩城為秦南越邑人謂之曰龍母其言甚質吾思以文之追書姥為閩城君馬刻銘於祠之闌右云

天地何寶聖人之道天有五精惟聖迭生聖道未彌百靈奉社惟周之湮稔毒於秦龍迷所奉棲於越人伊龍何慈惟龍克孝如持大綱示越人教涕洟封樹有禮有容豈惟神物是謂孝龍孝龍之靈宜崇宜薦巖巖此祠君子攸建惟蘭斯馨惟芷斯茂龍德馥馥文標其作郁郁民枯鵠鳩之飛在於灌木彼哺者烏亦謹其族龍有孝思俾民敦睦瓜紹惟嵒麥秀其岐龍錫民福子孫嗣之逐逐蹄乾沆沆檣械龍靈可依且不爾愜龍姥之祠泣於此津千萬其祀福於袁人

宋大觀二年戊子賜額曰孝通之廟
國朝順治十五年戊戌知府吳南岱檄修順治十八年庚子知縣朱鵬修葺

康熙三年甲辰巡撫督御史董衛國捐三十金行縣禹建前亭

康熙六年丁未守道施閩章刻盧氏碑於廟左作孝通廟記

記云分宜昌山渡之西有廟焉土人呼曰聖母問之莫知所自覽郡志得盧肇闕城君廟記其言頗怪云嬴秦之季有媪溫氏嫠且無子得巨卵於水涯製以衣枷久之雷電交作龍出其中媪不怖駭於是媪兒育而龍母事龍日出捕魚為母饌一日媪膾魚江上龍儻以尾觸必斷數寸許遂驚去媪嗟恨如喪厥子後母卒里人葬之岸側龍乃人形服袞經語人曰是當有水患不可以臧吾母夜大風雨陟母於山巔其封若覆夏屋袞經者遽失所在土人異之為立祠既而龍降於祠堂稍禿其尾蜿蜒變化視無常質禱祀輒應又稱龍有伯叔季三人唐元和中盧萼官南越過祠下夢龍伯語之曰君將宰邑西江其禮我焉太和五年萼果來宜春遂治祠於昌山津盧氏之言大畧如此且稱為孝龍作銘以美之曰龍有孝思俾民敢睦余讀而嘉其言袁州介在江西險僻之境舊稱蛟龍窟宅如仰山之神二蕭氏亦龍也寓形於人還自彭蠡事與此近而此特以孝見稱且昌山峽古謂之傷山以其石齒銛厲度舟多破溺也迄今舟人上下恃神以無恐又若人子之事父母然則神之孝篤其親而慈及乎民詩曰孝思不匱永錫爾類其龍之謂歟廟當祠龍伯而舊名龍母蓋崇其所報也盧氏

人唐元和中盧萼官南越過祠下夢龍伯語之曰君將宰邑西江其禮我焉太和五年萼果來宜春遂治祠於昌山津盧氏之言大畧如此且稱為孝龍作銘以美之曰龍有孝思俾民敢睦余讀而嘉其言袁州介在江西險僻之境舊稱蛟龍窟宅如仰山之神二蕭氏亦龍也寓形於人還自彭蠡事與此近而此特以孝見稱且昌山峽古謂之傷山以其石齒銛厲度舟多破溺也迄今舟人上下恃神以無恐又若人子之事父母然則神之孝篤其親而慈及乎民詩曰孝思不匱永錫爾類其龍之謂歟廟當祠龍伯而舊名龍母蓋崇其所報也盧氏

改書閩城君謂母閩城人也考方輿圖苑古越城在廣東之德慶州南溫媪墓載媪死瘞江陰龍子嘗至墓側縈浪轉沙以成墳與盧記小異又據揭傒斯作峽江龍母祠記稱先觀二年賜額曰孝順是廟古祠在悅城盧以悅為閩者誤也予謂孝思之名年而可風乃更榜曰孝通廟書其梗概仍剝剝盧氏祀於廟左俟博雅者並觀焉

康熙六年丁未袁州知府李芳春同知夏毓龍推官鄭燁知縣朱鷲立石

雍正元年癸卯邑人張申基捐貲重修增置門樓墻垣立孝通廟石額

乾隆十八年癸酉知縣陳大經倡建文昌閣於廟右

甘叔異題昌山聖母廟詩云分宜古縣環清溪重岡複嶺如奔馳行逢山斷水流處越城廟枕山之西我來落日在前嶺摩挲一讀盧肇碑嗟唐去今亦已久尚餘文字光陸離云昔秦人有笑下廬戰六國愚黔黎碭山雲氣望不見神物乃降江之變雷轟電合助光怪蜿蜒墮地皆羣兒赤鯢玉鮪奉鼎俎追迹甘旨憐老慈姥先仙去環珮冷安能蟠螯從兒嬉劉累不出浮俗隘况冒委贄巖與斯珠宮貝闕世所希銅環十二白玉扉

佩香披披招搖手掉芙蓉旂哀彈清瑟和宓妃大川鑿
鼓勞馮爨巨魚踴躍置隨蝦蟇瑣細不得追廟門開
闔風颺颺千年萬載龍居之野巫使儻薦酒危簫鼓坎
坎來宮祠五采不辨他與螭聊以幻化驚羣迷蓋我四
海久望霓無復空抱明月輝好施膏澤與六合豈止但
慰袁人思歷堦酌水致此辭退以遺誦傳於世

額論甚卑龍兮謹勿相訶譏

魯季狸題昌山聖姥廟詩云白地妖血腥未

散歸江島嶠南道上闕城邊發露光芒自聖姥

為神姥兒人耶龍耶媪未知提携襁褓漸至大將

慕經幾時媪持刀七供晨羞誤傷兒肌血流兒驚錯

愕遽入水頃刻變化無停留媪方知兒是龍子扼腕嗟

呼愁不已欲為母子復如初萬頃滄浪隔烟水恩深恨

久空纏綿媪亦鶴髮終天年里人相率為封樹孤墳哭

兀濱江邊龍為人形服衰麻哀哀念母情如如自言坵

隴太甲下恐為水嚼填松杉須臾遷易置爽塏役使山

靈驅水怪路人俄見若堂封事畢不知龍所在由昔至

今過千歲媪猶廟食江之涘道傍過者皆乞龍割牲醢

酒來相繼向來健筆海潮手為勒蒼珉傳不朽我來摩

挈三嘆息文公墨妙今希有可憐野水年年綠欲薦谿

毛直可掬臨風泚筆賦長歌與當廟食迎送曲

鮑江水府廟邑東五壘世傳土人李機得道歿為水府神
洪武十七年知縣姜從道序云余任分邑三載初不知
鮑江有神李公諱機字道明者緣余年近耄似續維艱
自揣生平無大過舉而素性耿介又不解禱媚每抑鬱
無可與語忽於去歲仲夏之望夕夢公飄飄若仙揖余
而言曰君勿恤來秋當舉丈夫子一余曰公何知公曰
吾早於君子知余叩其姓氏里居公以實告須臾寤覺
喜而誌諸心今秋果舉一子因遣介訪公姓名於鮑江
之地公長子如珍快述公往事謂公以積學偉行不受
元之辟舉且謂有異人沿街喧肚裏饑三字予之飯弗
食如是者三日罔有解悟者先是公在時偶憑几卧輒
神遊東湖救艦值合家試新族人同時具請公百千化
身無不遍始震其神通臣知肚裏饑即度李機隱語也
介歸告余余曰是神也因題請於上捐金立祠祀之乃
知神與人相感以正公未著余何求於公余非諂公何
私於余但余有嗣非公其誰知公之知余有嗣而覺余
其即公之正氣與余之頗近於正者兩相感也歟即是
而推凡為正人而有未來之休咎叵測者皆賴正神如
公可以開物成務而指示朕兆於其先使人不迷於趨

避也又豈獨似續一

嘉靖二十六年褒封純江才府神李機護國真人勅云天
運悠長原資祖德國祚綿亘亦倩神功維我大明始自
太祖高皇帝洎今一十一代羣醜盡滅世食祖德詎茲
虐寇肆克於西南幸爾李機掃氛於邊陲爾生於元顯
靈於今得大臣之疏奏覓朕筆之褒封朕再三思維不
有爾佑何由安靖爰封爾為護國真人封爾妻蕭氏為
一品夫人區贈護國寧家廟鎮萬世庇華夏於磐石之
安祀享千秋鞏江山於苞桑之固赫赫濯濯鐘聲與巽
令齊宣綿綿延延水府同王朝並永爾神忠直詔封無

私祠前有亭廣江為迴鏡之餅
新宮登陸及陞遷俱致祭焉

社令祠在坊廂福壽橋南

九皇廟在福壽橋西

天符廟 一在野源村 一在楊橋市 一在東城外

許真君廟 一在雙林墟 一在楊橋西 一在鳳陽橋

一在楊江市

雙忠廟在文標鄉觀光為張巡許遠建廟後有西聖巷關

帝殿

康王廟在邑南新齒市

二王廟在邑南上雙

登塲廟在邑南防里

白廟在邑南塘下

蕭何相公廟在縣西彰善鄉德崇里庾嶺上禱求輒應朝
謁甚衆

分宜縣志卷八

學校志

宋李觀記袁州學當時推為第一鈴陽即宋所分袁
州屬邑也邑立學垂今八百年代有興廢遷徙亦不
一所今基仍前代改南面北因形勝為向背衣冠善
類俊秀之子弟沐國家文命之敷承以大夫師長
之掄揚陶冶出經術以應休明顧可以一隅自圓歟
志學校

分宜學宮舊在縣治東三十五步宋初建於邑西五里宣
和間遷清源渡嘉定六年癸酉改建西郊漕使陳孔碩

記

記云嘉定六年秋孔碩將旨來掌嶺南西道漕事道分宜縣出西郭門外有儒服濟濟峩冠而來迨且百人遮道致辭曰吾邑新學成以今日之吉釋菜告成而君子過之能少枉入觀乎僕不敢違降輿而徒周觀其址則後龍前阜蜿蜒盤峙亢爽高明博袤衍迤迺正衣冠而前令長謝君已待於門肅容而入仰睇旁矚則孔殿巍然塾序如翼邃如豁如穹顯端直循序躋堂相與為禮畢令起而言曰昔吾邑學宮洵更迭徙悉非其地好古竊不自揆度工與材而士之願輸財力見助者忻然恐

後功以克輯告成之日會君適來諸生咸喜其何以空教之孔碩三遜而後敢言夫處士就燕閒出於管氏書者士所安身之地也知止而后有定傳於孔子徒者士所宅心之地也身苟安矣可無以宅其心乎吾徒勉之哉咸應曰唯揖降而出其後謝君與生徒謀記文所屬或對日者之登吾堂與我言者不可乎謝君遂以書道諸生之意來請文孔碩巽避數四而請不止竊嘗聞孝廟臨御日嘗因下取士詔諭詞臣曰偶思得二語欲見命辭曰當為君子之儒無慕人爵之得臣必大顛首奉詔孔碩私竊佩服大哉王言以為雖三代之為學罔

公仲尼之為教亦莫切於此矣夫德業有常言行有則
自身及家自家及國君子儒也言語文辭有葉與校入
耳出口急於人知小人儒也仁義樂善天子我者也我
能貴之而不知貴公卿大夫入予我者也能賤之而
不知退儻能三復聖謨而味其旨則學之大本立矣或
疑上方以人爵招賢而顧使之母慕何耶曰聞之論語
學也祿在其中矣學可勉祿不可干也可勉在我不可
干在人勉之於中其外自至一有慕焉則患得之矣苟
患得之斯患失之得失怵於中又焉得為君子儒乎請
書其大者而於歲月工役金穀之細畧焉他日過是將

有卓然以才德鳴世者僕將拜下風而請奚科第名位
之足言謝侯名好古守敏夫建安人

宋端平元年丙午州守趙師憲移建舊址自為記

記云分宜為袁雋邑郡之東偏師怒自潮右易地守袁
入境之初詣縣學謁先聖廟僻在荒郊五里之墟及門
下馬肅容以入前視廊廡草深數尺垣墉傾圮榱桷半
摧如古祠荒郊聞無人聲伊威蕭蛸得擅其業聖像昏
頽雨淋風剝門人從祀闕落丹青其瞻仰之地且如此
則豈宜絃歌可知矣師怒一奠再拜歛襟而退默默不
敢歎息俯躬自念有為牧伯郡守終年不接武於夫子

廟之階域者况於為邑者哉蓋風俗之興廢使之然既
出廟邑之諸生執圖經以進而請曰舊學在縣東三十
五步為老子之徒因邑宰不治奪而居之天厭異端之
害道也今煨燼為瓦礫之區乞復其舊師恕至郡之三
日乃捐五百金徵良匠經營舊址逾月而落成昇夫子
像歸於新宮堂廡室舍固不畢倫士者雲集俎豆一新
諸生復屬師恕為之記因為之言曰天下之達道五曰
君臣父子夫婦昆弟朋友之交其君臣父子夫婦昆弟
乃人倫之至親至重而不可一日廢闕者至於朋友分
若輕矣情若疎矣是又烏可以四者並立而為五哉蓋

君臣之義父子之親夫婦之別長幼之序周旋應接之
間或有不能交盡其道者若非藉朋友相與講明此理
以維持之則垂爭凌犯有不可一日居者而異於禽獸
不遠矣惟能相責以善相輔以仁去其敦彛倫者求其
叙彛倫者然後四者順其理而保其利乃知朋友之分
若輕而所係為至重情若疎而所闕為至親蓋四者之
綱紀在是而於人倫為最大者則庠序之設朋友之會
豈徒然哉今之學舍以其殿堂之巍巍然衣冠之整整
然羣居終日言不及義徒務記覽為詞章以釣利祿寵
榮而已恐非古人所以教人之法國家所以化民成俗

之意學者其勉之哉端平元年二月記

宋咸淳六年庚午縣令章采遷安仁驛他處併清源之地立學

明初兵燬知縣張仁復建於邑治東正統十四年己巳御史韓雍行部至縣按復侵地景泰五年甲戌知縣吳江新大成殿天順四年庚辰知縣吳倫重修成化二十三年丁未知縣莫立之重葺工未竟知縣曹忠終其事翰林學士汪諧記

記云分宜為袁鉅邑山水秀朗仙臺外倚於仰山秀江

東池於彭蠡士生其間率崇節槩而敦詩書有由然矣

儒學在縣治東地勢允爽規模整肅路當衣冠之衝前有清源溪水之勝山川清淑之氣於是萃焉頽其宮室門廡建自國初歲久傾圮縣令每致修葺而理者屢矣然未有能悉力以易之者也成化癸卯今南臺監察御史錢塘莫君立之以名進士來主縣事謁廟之頃慨然退語僚佐曰文翁在蜀而學校興僖公君魯而頽宮作及今不理誰執其咎於是召工師集藝匠度地宜其畚築伐堅實之木以為棟梁罔膏沃之土以為瓦甍於其頽者與墜者易隘者開漫漶者葺凡三閱歲而告成蓋自廟及廡堂齋門庑棲息之廬庖湍之所祠祭之齋

罔不煥然一新也夫然後人之入其門者見其崇宮峻
宇鬱鬱峨峨升其堂者見其黼黻冕旒洋洋如在至其
室者見其邇豆有列禮樂肅只莫不忘其勞敝相與而
歡樂之是豈非聖化入人之深而莫君能順道之詎克
爾耶既江陰曹君原孝來代厥任又從而修葺之愈謂
分宜學舍遠過往昔二君之功也嗚呼學校教化之本
三代之所以必興者其養士皆有法也周之法深而東
漢趙宋猶僅得之漢養士以節義廉耻為道德中和
故漢之君子剛毅敦朴悉能自樹於波瀾風靡之中其
平居出處瞭瞭明白至雖糴禁錮猶奮勵而不可奪宋

之君子醇正詳雅履規矩而蹈準繩平居則守道
禮樂至遭竄逐亦從容就之而不變是豈上無所養
無所得而能然耶我國家建學立師作意培養有三代
漢宋之遺意而祇若曩典悉力以作興之者又有如真
君先之曹君繼之士自今而後藏修游息於其中講先
王之遺文踐古人之成跡處則有以表率乎鄉閭以敦
風化出則當侃侃自立效忠盡職以勵名節則是官之
所以作新為無負不徒使學者藉聖賢門戶以為干祿
取寵之階而已也故因其學季訓導洪謨之請而為之

明嘉靖二十八年己酉巡撫傅鳳翔行縣視學檄有司重修邑人大學士嚴嵩捐俸助葺萬曆十三年己酉知縣周應治重修教諭許持謙記

記云自政教職分世稱良有司者不過錢穀甲兵刑獄致詳已爾至於學校之地朔望僅一展拜先師聚生徒羣揖敬去之外則廟宇之修與梳與齊舍之葺與頽與宮墻之飭與壞與廟觀之嚴與弛與視若罔覩一切置而弗問夫豈其置而弗問也則崇儒重道之意槩可見矣而真道窮學窮材烝慙也厥性艱哉乃鼎石周老先生以函牛之器試割鈴陽五稔於茲錢穀既已充實

甲兵既已精覈刑獄既已銷息其究心於政者詳矣且於學校之解宇齋舍宮墻所以居師儒業生徒者覃心極慮靡不為之而先師之廟觀其棟楹傾歌丹腹剝落者尤懼非所以妥先聖之靈則吾道不尊而頗戾於教舞人材之術也於是取盈於學租而以已俸佐之市材鳩工託少尹蕭君某以董其役經始於乙酉年十月十一日越數月而告成傾歌者脩爾壯剝落者脩爾鮮而諸士之顧瞻廟貌者亦覺沛然而生色也夫鈴陽才藪也文章若盧公肇忠節若黃公子澄亦世所希觀者然揆厥由興則以作郡縣者有如李公德裕張公仁首倡

之今侯宰茲邑不遜美於二公諸生中寧不以黃盧二
公自期哉持謙由南昌權教而來適當落成之候亦奇
邁也謹磨石而為之記侯名應治字某號尚石萬歷庚
辰進士四明瞿湖周氏人

萬歷四十六年戊午文廟圮知縣張三聘教諭王廷對鼎
新之知府黃鳴喬記

記云分宜之有學宮也自宋雍熙元年析宜春之安仁
諸鎮為邑治始也學宮之改卜於邑也自我太祖高皇
帝定鼎之初歲在丙午始也維時草昧甫闢靈秀新鍾
迨洪武辛亥開科是邑歐陽公貞首應隆興之捷迨甲

子而黃公子澄更膺高薦乙丑以會元冠榜馬歐陽
公當勝國末季韜光歛采堅不仕之義及綰綬國朝而
清修芳跡卓絕一世所著周易問辨史提鈞寶樂集各
若干卷行於世而黃受學於歐陽文章操行後先步武
其孤忠峻節挺然光史冊而錫歐陽之光則斯學宮也
寧第科名繼美且孕毓品流皆第一人物此豈出於偶
值蓋秀江巨浸從郡城蜿蜒而來至於樞星門之前尤
回環屈曲更有鈴岡以砥柱之故汪洋之聲與蒼翠之
色湊泊滙合映帶有情非地鍾其奇而人逢其昌乎余
丁巳秋領郡過此欣然會心盼望不忍去奈是宮也曾

圮於萬歷丙申丁酉間時當事者難於計畫輒將延恩閣之木石漫爾移置以冀苟完中間榱桷與棟楹多鑿朽不相入亦憑拙匠以聊且從事洎戊午之夏修焉盡傾所儼然獨存者惟先師一几筵而已己未四月余入覲北旋適滇中張君來令斯邑謁廟方畢穆然咨嗟遂與學博謀先復之而諸生僉踴躍以協佐不數日檢公帑堪動之金若干兩申請經始焉童貢挿漢之材罔惜貲以市撫臨成風之匠悉厚值以招規制之宏敞結構之堅緻恭輿論而歸獨斷里胥弗擾工作競先是年仲冬詠吉興役而庚申六月即巍然觀厥成矣諸生慶頌

貌之輝煌卜文運之亨嘉告於令而偕學博以記請余余雖愧不文然際茲盛事亦安敢過自退遜因進諸生而語之曰凡人狃常習故每束於耳目而未必遽奮惟當煥然鼎新之會觀聽既易則精神自為激昂並山川佳勝亦若另有一番效勩而弗復如昨今日有司修學宮從此師修教士修文行亦翻然急新圖而滌舊習春絃秋誦日邁月征怒翼奮飛丹衷畢矢泰宇則懋勳猷鼎沸則靖節義求以追跡歐黃諸君子母重貽茲宮羞庶於拮据更始之初心不相背負而嘉賴榮施詎一郡一邑已哉緣為記歲月而推廣此意以勉勵並垂於石

崇正間知縣張國經曹國祺洪名臣教諭夏應舉並先後
修葺

國朝順治十年癸巳五月大風雨學宮圯康熙七年戊申
知府李芳春重建知縣林筆記

記云蓋自我太守李公泣哀以來於郡中之廢墜有當
修舉振興者百計經營既不遺餘力矣其事闕鉅典為
風教人心所繫屬尤切注向焉每遇筭之大工大役苟
有申請未嘗不行行未嘗不力至於學宮若郡庠若宜
庠若萍萬廩建者增修者皆已改其舊而新是圖惟分
邑之學宮興復最後其最後奈何蓋學宮之廢惟分邑
最久久而習習而忘遂無有為及者坐不肖亦不意其
荆榛一至此也到官之初有事文廟瞻眎週遭慨然之
之適胡學博鴻漸有修葺明倫堂之舉申請於公僕
學宮久廢狀公不勝太息謂我輩遊聖人之門平生所
學何事於此而可已又烏乎不已爰是銳志重修以文
廟為汲汲或有難者曰厥務至鉅厥費甚繁度用祿
幾何工役幾何歛貲幾何乃可鳩工公曰不然天下無
不可為之事患無必為之志有志者事竟成耳惟分邑
之民已蔽不堪重困其母棘歟母勞民務裨有濟乃首
捐俸五十金以為倡而徐漸為之計其責成在縣

在學更為約法期以十日具文一報九竹頭水屑及工
備食指盡可藉也時公以公事有會城之役便道登山
尤必親詣營數焉以故鮮弛力鮮冒破用簡而功多是
役也始事於戊申之夏落成於己酉之冬起視聖殿崇
巍有加廊廡歧翼門屏抗將啟聖之特廟攸等名宦純
賢之几筵成秋昔也發址荒臺今焉燁煌文物萬民是
若不亦宜乎學博請記於公公營筆識其事且曰豈予
不佞是為時維綜理則規畫勤劬具覽盤錯之班時維
簡牘則洋壁籌度日分氈席之暑時維駿奔則園橋觀
聽屢曼踴躍以爭先時維竭蹶則經營子來百工鼓舞

以待命用是藉手告成以不負所學併信必為之志可
以自勉勉人耳嗟乎公之意念豈不深遠矣哉勞而不
伐謙而有光我公有焉惟笙襪線微才不足仰佐公高
深萬一然即公興學一事必誠必信其為屬末模範亦
復何窮爰泚筆而為之記以俟觀風者考焉

康熙十三年甲寅寇燬二十年辛酉知縣蔡文鸞重修自
為記

記云漢魏以來祀孔子惟曲阜闕里至唐開元始詔天
下郡縣置廟立像四配十哲七十子春秋釋奠載諸典
章歷朝因之尊師重道至鉅典也分邑為袁東要地儒

學在縣治東三十五步地形軒爽前有高山清流之勝
由殿門者文章功業忠孝節義哀矜分邑為最詎年世
久遠廟宇圯壞兼以鼎革兵馬蹂躪僅存聖殿一座前
後及兩廡竟成瓦礫余叨宰分邑下車瞻謁徘徊久之
竊嘆曰梵宮刹宇榱桷聿新况我夫子天縱之資睿作
之性仁功邁於堯舜性理接於羲皇享配比於禹稷德
配天地道冠古今實生民未有之聖獨令文物之邦治
平之世可使廟貌不肅乎似非朝廷尊崇之意振興後
學之本也商之學博胡君喻君各捐俸以為倡邑之紳
士尚義者咸出貲以為助鳩工庀材開復頭門兩廡由

是頌者與散者備規模雖未能悉備庶幾不致因循
學立師作養人材之遺意使後起者知所瞻仰敬畏以
自勵非徒為干祿取寵之門戶已也至若規制大復古
初端有俟於將來

康熙四十六年丁亥知縣周開緒再修雍正三年乙巳知
縣譚獻策從紳士林鳴鴻等議詳請即原基改建北向
自為記

記云禮有類於從宜而制不合於羣議者則將仍古乎
曰然事有近於從俗而情實協於神謀者則將違衆乎
曰否古者國有大疑既內斷於心猶詢於士庶謀及卜

筮稽其從違以決作止蓋其慎也况學校為聖賢靈爽
所式憑士子才德所由造孰有大修舉敢妄徇眾議而
違古制乎哉昔袁甫奏建象山書院命洪季陽相地徐
巖因境之勝坐正而亥位先聖先師以北向當時或嘗
其非是今分邑改建學宮其位置適同乃卒行之而不
疑及成亦無議之者則以相地之宜採從輿論從欲之
卜尤斷自聖靈也邑學地前昂後窪舊建聖宮止畫前
址自址門以外逼近街衢南井雜畜車馬之所紛駝既
無以作肅起敬而諸九典制若樞星門頽池亦弗能備
議者僉謂易向而北則其地寬平高爽可以盡制盡設

且七峯秀峙於前鈴山拱倚於後形勢之宜他時新建
曹安泰先生曾極稱其勝緒論可徵則地利於人文亦
有助焉會余自蜀東膺簡命承乏茲邑每逢祇謁瞻
仰廟貌懼頽圯乃延合邑人士謀所以新之於是持前
議以進者十有七八而難之者亦執古義以相繩互持
不決余乃請於本府憲李通稟各憲學校官弟子齋宿
祠下翼明張禱於先師前令各以片紙疏所議列其中
三闈皆北眾議遂定士爭輸貲民樂趨事規方正位肇
材伐石凡諸陶冶梓匠丹漆黝堊之工用無不備克建
大成殿次修堂廡及諸祠戟門外緣以長垣修廣中廢

有嚴有翼惟樞星門泮池因材不繼待漸修復經始於
乙巳之春竣工於丁未之夏既成余興器用幣釋奠於
廟午夜肅雖觀者如堵礲石請記余既謝不敏而邑士
大夫復以為言乃不獲固辭因諭於衆曰書云民之所
欲天必從之易曰天且不違而況於人乎古聖王神道
設教未有不叅驗之天人者也是役也人神符合龜筮
協從蓋庶幾洪範所謂大同則吉者分邑人士際此昌
期始必有厚自淬礪以膺維新之運者焉毋為科名
而忘其本毋逸於浮華而絕其源於以愿

聖朝作人之化仰答大聖人在天之靈

形家者言為梯榮利祿計則有負斯舉矣諸君子其嘗
識斯言也則皆應之曰諾不敢忘遂以記於石後之覽
者可以考焉時教諭為舒君冠訓導李君吉嗣教諭劉
君斯緝寶落其成督役衿士林鳴鴻而貢生嚴宗塔生
員袁璉張天嘏等皆首倡捐貲與著勞績例得備書凡
用白金若干兩其餘姓氏具列碑陰云

乾隆三十八年癸巳知縣林邦琬倡率紳士重修增建神
庫於大成殿東神厨於大成殿西自為記

記云分宜居府治之東偏秀江巨浸由瀘溪歷郡城透
迤而來鐘山昌山二岷為城邑上下關鎖峯巒突起種

漢凌霄惟鈴山舒徐蜿蜒橫列如屏其高處即今學宮之所倚枕也分邑之學宮自明初復建於治東之三十

五步而近地勢亢爽面陽背陰至

國朝康熙乙巳復即其址改遷北向規模壯麗櫺櫺整頓

遠近諸山無不効靈呈瑞於堂陛之下及辛未添設戟

門泮池厥制備矣但由乙巳迄今近五十載風霜剝蝕

頽廢半多毀裂予下車展拜後周視堂廡即殷殷以修

理為已任顧簿書鞅掌未遑也今上春之月與兩學博

及諸紳士集議於堂各捐廉俸以倡斯舉一時之聞風

響應者無不踴躍爭先挈貲以助鳩工庀材擇邑中紳

士之廉幹者若而人設已以董其事而予與學博漆君

彭君往來監視採納眾論加以審詳首將內外正殿修

葺丹雘黝堊與以更新又因兩廡至殿階上下皆有空

地未飾觀瞻而正殿之後與左右側亦僅列以短牆不

足蔽風雨議於兩廡各新建五間選其堅木施以彩繪

復擇其舊之可仍者添設三間於廡牆之內左為神庫

右為神厨由大成門直達後牆綿亘相屬其後牆之高

爵爵峨峨合兩旁計之為丈八十有奇而戟門以前垣

牆皆屬填人以竟其業其於修廢舉墜之意差可無憾

也至白銀錢之出入皆予為之總理而所需工料則

首事自為支發刪其浮費豐其廩餼大小力作爭先競
勸自仲秋興役至於季冬五閱月而工竣限日宰牲妥
神而四方之來觀者抵掌稱快此

先聖在天之靈所默為啟悟而予忝在承乏亦藉可告無
損越者也方今

今之文

是以上

聖天子興學右文薄海內外浴日沐月况分邑素號名區
人文接踵前如盧子發之文章黃太常之節義流風餘
韻至今不絕而又因是以上求乎古聖賢大學教人之
旨與有宋輔翼道教之功戒虛浮而敦實行崇廉讓而

鈞譽以勸取利祿者其相懸不啻什伯於以

砥竊幸諸紳士之相與有成也是為記

天成殿中祀至聖先師孔子

國朝康熙二十三年甲子

御書萬世師表匾額頒懸各學廟三十九年庚辰

御製先師贊暨四賢贊頒學勒石雍正四年丙午

御書生民未有匾額頒懸各學廟

命直省內外臣子每逢先師誕辰齋戒一日諱孔子名加

為邱乾隆三年戊午

御書與天地參區額頌懸各學廟

特詔聖廟用黃茂先師正位居中東西雜四配而十哲次

之兩廡列七十子而春秋以萊諸儒次之

四配

復聖顏子 宗聖曾子 述聖子思子 亞聖孟子

十哲

閔損 冉耕 冉雍 宰子

端木賜 冉求 仲由 言偃

卜商 顓孫師

康熙五十一年壬辰陞宋儒朱熹

乾隆三年戊午陞有子若

東西共十二人

東廡先賢

澹臺滅明 原憲 南宮适 漆雕開

司馬耕 申枏 巫馬期 公皙哀

冉儒 伯虔 冉季 漆雕哆

漆雕徒父 商澤 任不齊 公良儒

公肩定 鄔單 罕父黑 顏祖

秦祖 白井疆 公祖句茲 縣成

燕伋 顏之僕 樂欬 秋黑

公西茂

施之施

顏曾

共三十一人

先儒

左邱明

穀梁赤

高堂生

毛萇

后蒼

王通

胡瑗

程顥

邵雍

范仲淹

司馬光

楊時

張栻

呂祖謙

真德秀

薛瑄

陳獻章

吳與弼

共十八人

先賢

公西赤

琴張

陳亢

梁鱣

商瞿

顏辛

曹卹

公孫龍

秦商

顏高

壤泗赤

河志作駟

公夏首

石處

古志石作后

榮旂

左人邳

鄭圃

廉縶

叔仲禽

邾莒

孔忠

步叔乘

秦非

共三十一人

先儒

先賢

公羊高

伏勝

孔安國

董仲舒

杜子春

龔愈

周振順

歐陽修

張載

程頤

胡安國

陸九淵

蔡沈

許衡

王守仁

胡居仁

吳澄

秦冉

羅從彥

李侗

陳淳

共二十一

按先賢先儒名字位次舊本遺漏錯訛顛倒不一茲悉依闕里志校定列載

改祀於鄉者七人

林放

蘧瑗

鄭衆

盧植

鄭元

服虔言志服作伏

范甯

黜祀者十四人

申黨

公伯察

秦冉

顏河

荀况

楊雄

燕聖

劉向

賈逵

馮融

何休

王肅

王弼

杜預

康熙五十三年甲午以宋儒范仲淹從祀

雍正二年甲辰復林放

蘧瑗

秦冉

顏河

鄭康成

范甯

增縣置

牧皮

樂正克

公都子

萬章

公孫五

諸葛亮

尹焯

魏了翁

黃幹

陳淳

何基

王栢

趙復

金履祥

許謙

陳澔

羅欽順

蔡清

陸龍其二十六人從祀

乾隆三年戊午復吳澄

六年辛酉頒定從祀次

先師廟

歲以春秋仲月上丁日致祭用幣一羊一豕一

爵三登一罇二簋二籩二簋八豆八

四配用羊一豕一各幣一爵三登一罇二簋一

六豆六

十哲用幣二豕二各爵一罇一簋一籩一簋四豆四

兩廡各用幣一豕一爵一簋一籩一簋四豆四

几祭大合樂麾一祝一敎一琴六瑟二鐘磬各十六

項篋各二鳳簫各四笙六笛四搏拊鼓應鼓各二樂

生三十八人工歌六人旌二籥各三十有六已上

牲幣樂器

國朝仍舊雍正五年奉

旨

先師位前加享大牢乾隆五年庚申復頒樂器併樂章

祭器而祭品仍舊

樂器

大鼓一架 楹鼓一架 楹鼓緞傘蓋一頂 應鼓一

架 鼗鼓二架 搏拊二架 琴六張 琴桌六張

瑟子架 笙六橫 龍笛六枝 鳳簫二排 洞簫六

枝 塤二個併盒 箎二枝 祝一座 敔一座 篳

四十八枝 篳四十八枝 羽毛一百四十四枝 石

磬十六面併木架 銅鐘十六口併木架 象簡六塊

麾幡二座 千二個 減二個 節二座

樂章

春季樂章 夾鐘 倍應鐘起調

迎神 咸平

大哉孔子 先覺先知 與天地參 萬世之師

祥徵麟紱 韻答金絲 日月既揭 乾坤清夷

初獻 寧平

予懷明德 玉振金聲 生民未有 展也大成

俎豆千古 春秋上下 清酒既載 其香始升

亞獻 安平

式禮莫愆 升堂再獻 簪協鼓鏞 誠孚靈獻

肅肅雍雍 譽髦斯彥 禮陶樂淑 相觀而善

終獻 景平

自古在昔 先民有作 皮弁祭菜 於論思樂

惟天牖民 惟聖時若 彛倫攸叙 至今木鐸

徹饌 咸平

先師有言 祭則受福 四海贊宮 疇敢不肅

禮成吉徹 毋疏母償 樂所自生 中原有菽

送神 咸平

鳧繹蒺藜 洙泗洋洋 景行行止 旒澤無疆

聿昭祀事 祀事孔明 化被蒸民 育我膠庠

秋祭樂章 南呂為宮仲呂起調 典上樂章句同調異

餘錄

木祝版連架一座 磁登一個 磁彝二個 磁鼎十

六個 磁毛血碟十六個 毛血銅盆二口 磁劍二

十二個 磁簋六十一個 磁簋六十一個 磁香爐

十八個 磁著罇八個 磁罍八個 磁爵五十四

個 竹絲遷二百四十六個 木豆二百四十六個

木饌盤十六個 木俎二十架 木燭臺五十三對

紅綉幕帟八個 銅勺八個 錫盥洗盆三口 盥盆

木架二座 錫茅沙池二個 竹絲帛篚十八個 木

牲盤十八個 木高照四十六座 鐵燔燎爐二座

鐵庭燎爐八柱 鐵燎叉四把 供桌六張 綉桌帟

丁祭 二十二

十八個

祭品

羊豕幣帛各九外用兔六鹿一 檀香降香各九炷

茶苑香丸片 速香樂香各十五斤 柏香十斤

茴香赤麩時蘿榛子茨子各一斤 蜜一斤 乾筭粟

子大粟各十斤 黍稷稻粱各一斗 糠料一斤 粘

粉糯粉蕎粉各二盤 形鹽五斤 醃肉四斤 鱈魚

五尾 造脯鮮魚四斤 醬醋各一斤 木油十斤

白蠟三十兩 清油四十斤 酒米一石 青蘋葱薤

芹薺各二盤

祭文 乾隆九年 頒行

維

先師德隆千聖道冠百王揭日月以常行自生民所未有

屬文教昌明之會正禮節樂和之時辟雍鐘鼓咸恪

薦於馨香泮水膠庠益致嚴於籩豆茲當仲春秋祇率

彛章甫儀徵佗聿將祀典 復聖顏子宗聖魯子述

聖子思子亞聖孟子配

名宦祠 在大成門左祀

宋分宜縣知縣郎 簡

宋分宜縣知縣王 揆

分宜縣志

學校

名宦

卷八

宋分宜縣知縣高輔

宋分宜縣知縣謝諤

宋分宜縣知縣許及之

宋分宜縣知縣壽千秋

明分宜縣知縣張仁

明分宜縣知縣戴備詢

明分宜縣知縣陳繼宗

明分宜縣知縣周瑛

明分宜縣知縣吳瑄

明分宜縣知縣吳江

明分宜縣知縣莫立之

明分宜縣知縣曹忠

明分宜縣知縣吳蘭

明分宜縣典史應昌

明分宜縣儒學教諭曲八繩

明分宜縣儒學教諭夏思義

明分宜縣儒學教諭李蕃

共十九人

每歲春秋釋奠文廟畢用幣一爵三簋一盞一籩四豆

四致祭主祭官以下俱服古服行禮

祝文仍舊

昔宮茲土咸有樹立嫩非偉成功非掩飾孰彰於前孰
遠於聞穹碑信史遺跡剩芬施法死勤著在舊典禮以
成之敢用弗腆麗牲載酤進公之堂擊鼓迎神神其
享

鄉賢祠 在大成門右祀

漢侍御史陳重

唐狀元欽州刺史盧肇

宋進士朝奉郎都官屯田郎中夏侯錫

宋江西提舉彭特

宋進士錢塘知縣沈莊可

宋進士永州教授歐陽椿

宋朝散郎權吉州事孫億

宋進士光澤知縣趙若燭

宋三經處士易充

宋學博趙祀材

元象州知州彭應雷

元萍鄉州知州趙榮

元狀元封楚國公歐陽元

元義士署本路同知彭繼凱

明本縣儒學訓導袁天啟

明進士歐陽貞

明華蓋殿大學士劉仲質

明會元太常寺卿忠臣黃子澄

明進士四川右布政使嚴孟衡

明金華知府黃伯奇

明進士大理寺卿李香

明開封訓導擢伊府長史歐陽汶

明高州府司理袁怡

明進士翰林院編修彭鳳

明進士刑部郎中易鸞

明進士刑部主事宋希堯

明草堂處士趙錦

明鄉舉鳳陽同知彭士遠

明鄉舉泰和教諭嚴堯日

明進士刑部左侍郎署尚書事張承詔

明鄉舉工部主事彭大科

明鄉舉巡按河南兼監軍嚴雲京

明鄉舉海州知州孝子朱允恭

明鄉舉長沙同知張允中

明進士河道總督兼兵工二部侍郎黃希憲

明進士左都御史吏工二部侍郎鍾 价

明京山縣尉張自新

明選貢義士張兆蘭

明貢士魏縣知縣張問明

國朝文學鄉飲介履嚴雲尊

國朝攸縣教諭嚴一心

共四十一人

每祀名宦祠事畢即祀鄉賢登品儀式亦如之

祝文仍舊

民以俗習賢固地靈身異行獲鄉人所經或器沉淵或
節被屬要其歸趣若執左契某水某邱公所昔遊文獻
之餘賴有前修我享惟時以妥以侑颯然精爽監我邊
豆

神庫 在大成殿東側

神厨 在大成殿西側

土地祠 在大成門右

文昌祠 在大成門左

戟門 明萬曆二十四年丙申署縣事推官徐之孟改闢

瞰江 後改學宮北向遂廢

國朝乾隆十六年辛未署知縣張若涇倡建戟門於今學
宮前二未竣知縣萬方竟其役邑人嚴宗定記

記云古辟雍之地壅水環繞如壁侯國郡縣學則半之
故謂之泮池禮所記澤宮是也其池外為戟門蓋取列
戟於學以告成事之義分邑舊建大成殿廡南面湫隘
臨於闕閭假前江流一灣以當半壁其門亦逼壓鈴簷
弗稱數仍宮墻雍正三年乙巳僉改北向紳士輸費二
千餘金構創維新足以安侑垂遠其後科名鼎盛歷十
餘載而仍於門池有缺焉今

上十有六年署縣張君若涇與邑中有幹計者謀厥始約

三百金可以禱門穿池於是伐石掘土鳩工甫集而張
以憂去時萬公方來宰分邑乃諮諏師儒澤士之練達
老成者專司其事匠役之懈弛者策之財貨之濫冒者
清之出納之盈縮者殊標而昭揭之母替古制毋滋後
靡凡以完澤宮所應有者而已抑予讀魯頌思樂泮水
薄采芹藻以至於屈醜獻功遠至邇安之業實基於此
孟氏曰遊於聖人之門者難為言訓者謂小言詹詹概
不足數諸君子學於斯者誠深畏聖言得門而入則盈
科後進汲深綆長庶幾元龜南金懷我好音矣又豈僅
弄筆墨徵科名如郡學記李泰伯所譏者哉是役也落

成於某月某日費如前數學博魏君永安協贊之力最
多明府命余為記不獲辭爰質言之以壽諸貞珉

宰牲房 膳堂 學舍 號房 舊志今廢

崇聖祠 舊名啟聖祠嘉靖九年庚寅奉詔建立崇祀

孔子父叔梁紇配以顏無繇 曾點 孔鯉 孟孫激又

以程珣 朱松 蔡元定 周輔成從祀

雍正元年癸卯加封

先師五代王爵

肇聖王

裕聖王

諸聖王

昌聖王

啟聖王

雍正二年甲辰增張迪從祀 祭

先師日則先行事祭品視舊十哲加享少牢

祭文

維

王奕葉鍾祥光開聖緒盛德之後積久彌昌九聲教所覃
敷率循源而溯本宜肅明禋之典用申守土之忱茲屆

仲春 春秋 聿修祀事配以 先賢顏氏 先賢曾氏 先賢

祭文

崇聖祠

二十九

孔氏 先賢孟孫氏尚饗

崇聖舊祠在舊聖宮右南向乾隆十八年癸酉知縣陳大經改建於大成殿後邑人黃廷琳記

記云世嘗謂事莫艱於創始而踵而成之為無難前人縮構規模必歷世而大備然而力竭則難繼日久則玩生非有人焉倡明振作志氣交孚未有能觀厥成者分邑廟學肇自有宋至端平間遷復今址歷有年所

國朝雍正乙巳僉謀改建易廟向而北以就形勢之勝而櫺星門泮池諸役仍多未備閱今二十餘年日久滋急幾相安為固然乾隆辛未之秋桐城張侯來攝縣事首

以化民成俗為務瞻聖廟之壯麗宮牆之寥廓山水遠近之環繞拱揖所過郡邑諸學不概見而典制有缺不勝九俎一簣之憾爰進紳士而謀之委宋君式王嚴子秉璫張子炳文傅君昂等司其事計工徵貲計貲徵材計材程工壘石為門於戟門之外而鑿池其前九四閱月而工竣既又進諸子而語之曰分邑之學其述謂大成矣乎舊建明倫堂跨廟後非諸生講習居處所故安而崇聖祠在宮牆之東與廟向背亦非所宜方謀所以更置之隨以憂去邑人士是究是圖又以事勢中格癸酉春卒待前議上狀大方伯華亭王公得直所請今陳

侯實董其成士衆驩動競出貲以襄厥役乃移崇聖祠於明倫堂而撤舊祠改位南方建講堂北向旁翼二室為公廨左廟右學制乃大備閱三載而告成何其難也夫自有廟學即有此規制門池之設崇聖明倫堂之位前之人非不欲有為非沮於經費之無措即徂於母動之為大是惟賢侯明作有功大方伯篤近舉遠所謂舉動合宜則衆志不應使數十年曠坐興復於一旦吾儕得相與黽勉匡襄以樂觀厥成其敢忘所自耶諸君子咸欲壽諸貞珉以志不朽以廷琳身在事中與聞顛末既讓不獲已泚筆書之用誌其歲月如此且以告夫嗣

之為政者王公與吾華亭進士張侯若溫桐城監生申

新城二尹來署縣事今任陳侯大經湖北天門進士

明倫堂 元至元二年丙子邑人陳辰翁捐新廩集記

記云國朝仍改至元之二年歲在丙子六月前進士豫

章徐邦憲為分宜丞律已以奉職厲志以成事其久也

有言而上之人聽之有行而下之人從之丞亦自信其

可用乃取其邑之繫於觀瞻者謀於僚友而作新之其

令姓某以他役自任而夫子廟學之事悉以屬諸丞按

縣學本清源書院與安仁驛之故地宋咸淳庚午令章

采遷驛他處併書院之地為縣學學有廟廟後為會

堂而所稱講堂者在東廡之東用陰陽家言面乙之位
國朝令膠東劉德以為郡縣講堂必在廟後撤會食堂
以作明倫堂而東面之堂不廢然取其一時地卑材劣
不足以久學瀕水水漲而堂壞久而不可支遂除去之
以其地為菜園丞之始來周視慨歎而言曰此吾之責
也將誰議乎乃告邑人士以修學之意良民大家莫不
驩附而旌儒鄉之士陳辰翁獨曰丞至年餘一無取於
民而為是義舉何俟於眾力請端為之丞善而從其請
陳氏出其私財使其孫德星親任其役而縣教諭吉水
李辰良董之丞以公事之暇朝夕程督毋苟毋緩

於岸以障水取剛土雜石子築堂基高三尺拓舊基凡
十尺其邑產紫杉良材也修直中度者用之撓弱斥不
取於是為堂廣七丈有六尺深半之棟之高二十有七
尺工績堅緻宏敞偉然其為堂凡三十有六柱起工於
三年之十月堂成於明年之正月計其財用工食之費
為鈔萬有千餘緡丞乃使其弟邦傑與邑諸生趙良來
求文以為記分宜本分宜春以為縣袁之壯邑也昔者
袁守祖侯無擇之始建學盱江李泰伯記之厲其民以
忠孝足以感發於人心儒者多誦之後百二十五年張
侯杓作新學其兄宣公為之記詔學者以唐虞三代建

學造士之本意而朱子記其學周程之詞則又以原乎道統之傳而示之以修己治人之大法兩先生之言非止為衰學而言也天下後世之學者莫不誦之而知所以為學者矣况分宜之邑去郡無百里章甫縫掖之士來遊來觀而得其說焉何啻耳提面命之近歸而修之於身講之於友施之於子弟推之於閭里豈不富哉其為言矣乎君集之不敏何敢贊一辭於其間學者即朱子之說而學焉則宣公所謂孝弟之行始於閭門而刑於鄉黨忠愛之實見於事君而推以澤民者吾將於分宜之邑而見其人焉則無負於邑大夫修學之意與哉

書以告來者

成化二十三年丁未知縣曹忠重修學宮併新明倫堂學

士汪諧記 見前學宮記

宏治十六年癸亥知縣吳蘭以真果院逼儒學左請於郡守朱華徙之即其地為堂題曰奉詔視學之堂禮部主事楊循吉記

記云由開闢以來人極為大素王人師也故陳其道而布之方冊俾萬世法而行之歷漢迄今二千餘禩而天下大同其盛至於天子親釋奠尊禮公卿大夫咸出明下環海之內誦其言而以儒稱者又不可勝數夫豈徒

然哉由夫守之道則治已矣雖然道之害厥今惟浮
屠為甚不擾不除民眩且惑分宜儒學之側有佛是丹
曰真求院者實據左方傲而弗經今歲宏治癸亥生徒
言於郡太守川東朱公華請去之遂屬處令吳君蘭經
畫其事吳君吾姑蘇崑山人也以進士宰是邦敦尚儒
雅祇命惟力事既就緒遂以其地為學屬適提學按察
副使邵公銳巡歷至邑見故殿屋材頗廢不欲廢又屬
君改而為堂題之曰奉詔視學之堂既成吳君使來請
記仰惟聖朝以孔子之道理天下郡縣建廟設學無間
遐邇士之起而升用者率此焉出而兩京十三省必設

憲臺總督之則學校者出治之地而提學使又士之本
也任亦重矣肆我皇上法古圖治尤以教化為先務選
督學政率用哲人故邵公特奉簡命蒞以大江之西所
至較藝考行以身率士務造真材用稱止德意於是風
聲所及皆欲為公所為而是邑遂有斥淨屠廣學宮之
事公又扁之名而為堂焉其由奉詔者何凡提學使出
巡必奉勅書行事示有尊也曰視學者何斯堂之設非
游非息惟學政是視示有專也惟夫子之道賴聖皇而
行行道之詔又必良使者而後有成功余是堂也撤土
偶居制使黜滌屠崇儒術俾其民曰異滿去乎士曰吾

道尊乎夫朝廷所為詔公者宜亦外是而公獨為之然則善奉詔者莫如公善視學者亦莫如公無他其邪而已矣嗚呼休哉公字國賢直隸無錫人益成化甲辰進士第由戶部郎中陞今官淹貫經史贍於述作志操端正古之流也故其為是堂有韓歐排擊之風亦可以弗志也書以載之石俾後來者知堂之始

國朝雍正十三年己卯知縣鹿聖敬於學宮後重建明倫堂及禮門乾隆十八年癸酉知縣陳大經改建禮門於學宮右邑人黃廷琳記見崇聖祠

敬一亭 明嘉靖二十八年己酉道府准諸生議立之
舊二齋 明成化二十三年丁未知縣莫立之重新扁曰

尊德齋樂義齋又廢

射圃 明萬歷間建於舊明倫堂左

國朝康熙四十五年丙戌知縣周開緒修葺訓導陳洪
記

記云庠序學校由來尚矣而序獨取義於射說者謂不忘武備所以振天下積弱之風又曰不主貫革所以消天下好勇之氣二者躉之然此皆上之以射治我而非我之所以自治也夫射之為言繹也各繹己之志也射之為言舍也各射己之鵠也余於康熙庚辰歲獲補鈐

陽訓導見聖殿傾頽悵然者久之丙戌之秋幸邑侯周公首倡其事於是偕同寅與合邑紳衿修葺廟貌以崇兩祀殿之東厥惟明倫堂自東而上居民賃為菜圃欲求義路禮門遺跡無有存者而壞垣荒徑猶懸刻石於其上名曰射圃攷其年則萬歷矣稽其古石則當時之舍罷守令在焉夫萬歷去今曾幾何時而所鐫著字石幾如蟲書鳥篆秦碑漢碣光景磨滅不可復識又況沉淪於邱園蔬草之中豈射圃之與菜圃任其混淆而莫辨歟抑有為之前者遂無為之後者以傳其盛歟余因思夫今茲壞垣昔之環堵而聚觀者於斯今茲荒徑昔

之比耦而出入者於斯今茲耨耨之平壤昔之左射右射祈爵而揚觶者於斯斯何地乎忍令其不與聖殿而重新乎爰倡諸生鳩工庀材修舉廢墜構亭以踵其盛仍移曩時射圃古石列為前屏俾射者持弓審固望古石以為鵠以示不忘古道諸君子登斯堂也乘閒游息怡情賓射相祈於好學不倦好禮不變以射自治其性情而身心以正禮樂以嫻即謂尼山父翼圃之義至今存可也是為記

雍正三年乙巳改建學宮北向射圃已廢乾隆二十九年甲申邑士重修於崇聖祠之東

忠義孝悌祠

雍正四年丙午奉

文建祠知縣譚獻策

修葺祀

元彭繼凱

明黃子澄

朱允恭

張兆蘭

其祭品

儀式同名宦祠

祭文

乾隆九年

頒行

維靈稟賦貞純躬行篤實忠誠奮發貫金石而不渝歲

問昭宣表鄉閭而共式祇事懋彝倫之大性挈我萬克

恭念天顯之親情殷棣萼模範咸推夫懿德綸恩特闡

其幽光祠宇維隆歲時式祀用陳尊簋來格几筵尚饗

節烈祠

雍正四年奉

文建祠祀

節婦歐陽鳳妻鄧氏以下諸人祭品儀式同忠孝祠

祭文

乾隆九年

頒行

維靈純心皎潔令德柔嘉矢志完貞全閨中之亮節竭

誠致敬彰閨內之芳型茹水蘊而彌堅清操自勵奉饗

匪而匪懈篤孝傳徽絲綸特沛乎殊恩祠宇昭垂於今

典祇循歲祀式薦尊醪尚饗

尊經閣明洪武二十九年丙子知縣王思中建

國朝頒發書目

欽定周易折中三部

二十四本

書經三部

二十四本

詩經三部

四十八本

春秋三部

六十二本

大學

中庸

學校

書籍

三十七

御纂日講四書解義一部十二本 三禮義疏一部一百八十本

周易述義 詩義折中二十本 春秋直解十五本

綱鑑正史約一部十六本 通鑑綱目二部一百六十本

綱目參編一本 評鑑闡要一部六本 性理三部十三本

四禮初稿二本 四禮翼一本 大學衍義輯要二本

衍義補輯六本 小學纂註四本 近思錄集解四本

孝經註解一本 明史一部一百一十二本

欽定授時通考一部二十本

上諭六部一百四十六本 又一部六本 舊頒學政全書四部四本

部頒學政全書二部十六本 續增學政全書二部八本

學約三本 舊存儀註一本 先賢先儒位次冊一本

文廟樂章三本

上諭二部七十本

御纂詩初集一部二十本 又詩二集一部四十六本

御製文集一部十六本 又詩二集四十六本

欽定四書文二部十六本

呂子節錄四本 從政遺規二本 養政遺規一本

訓俗遺規二本 教女遺規一本

欽定祭文祭各廟各壇十三道一本 新頒結式一本 膳黃二道

上諭二本 清漢對音二部二本

明少師嚴嵩捐俸摹印十七等史併皇明制書及家藏經籍若干帙送學

嘉靖十四年十月袁州府為書籍事抄蒙欽差提督學校江西等處提刑按察司僉事李案驗前事據袁州府呈承奉南京吏部劄付准本部尚書嚴咨照得本職原籍分宜縣僻處山鄉閭閻雖有弦誦之習學宮舊無書籍之儲願以菲劣之資少也僱員弟子自常讀經書之外即欲別求一種異書無從購覓幸竊一第出遊上都始獲見諸史之全又苦無貲收買逮入仕途既可得書又苦後時不能繹讀聞見寡陋職此之由學海汪洋徒

愧歎夫學者博覽載籍所以明事物之變窮古今之實求以適經濟之用也今誦覽考索無所於資欲求學術文詞之過於人豈不難哉幸遇聖明右文稽古之時頃歲特詔南雍刊修全史嘉惠學者之意至矣而遐下方邑得者猶艱本職叨官留都廼捐薪俸摹印監學十七等史裝綴完繕併副以家藏經集等書將儲之本縣儒學以為吾黨之士或有同予往時無書之慨者乃今獲覩編簡之富可資考覽之勤將來有博識強記之士彬彬出而國家賴其用斯區區之願望也且敝廬容適豐舍之側與其藏之私家孰若公之庠彥但恐該學人員

不行用心收護或虫鼠損蠹或因人借出以致散逸不
無可慮合行該府備呈江西提督學校衙門藉重憲條
責人典守生員習讀者無拘私借者有禁凡遇官吏遷
轉務要明白交盤庶責有所歸可免散失之弊矣等因
合咨本部轉發施行准此擬合就行為此除將咨到後
開各項書籍照數發去合劄本府官吏照依劄付內事
理即將前項緣由備呈江西提督學校衙門發仰本縣
提調官公同儒學官驗收遵照施行等因奉此合就轉
報為此令將前項緣由府司合行開呈伏乞照詳施行
等因據此擬合就行為此仰抄案回府着落當該官

照依咨駁內事理轉行本府掌印官即將原奉發下後

項各樣書籍轉發該縣掌印官眼同該學教官照數驗
收仍置文簿一扇用本府印信鈐蓋各項書籍登記於
簿凡遇官吏遷轉務要明白交盤毋致散失取具該學
官吏領狀繳照該府仍差教官一員前去該縣會同本
學教官率領生員赴謝用宣後學之歡且拜長者之惠
俱毋違錯不便抄案依准呈來等因據此擬合就行為
此除差本府儒學教官徐孟前來會同教官莫如爵蓋
王瑞郭輔等率領通學生員赴謝外仰縣當該官吏照
帖備去案駁內事理即將原奉發下後項各樣書籍轉

行掌印官縣丞彭德成會同該學照數驗收仍立文簿
一扇登記各項書籍申來用印鈐蓋凡遇官吏遷轉務
要明白交盤毋致散失仍取該學官吏領狀一樣二本
申來以憑轉報施行俱毋違錯不便煩至帖者右帖下
分宜縣准此

茶玉瑞學宮書籍記云今太宗伯介翁先生嚴公居邑
治東學宮之傍御賜有書建樓欽藏乃捐薪俸於南雍
摹印十七等史經集序書如千部備之學宮以為鄉後
進習讀之資於是袁郡伯過齋季公過督縣葺閣增架
諸之鄉閭親戚子弟慶幸之至咸曰宗伯公嘉惠後

如此推已及人不私所有如此其視得論衡以自稱者
其用心之公私厚薄何如哉掌教莫子仲修同郭子汝
忠謂僚末玉瑞曰和鳴之音天下好爵之士欲與聞也
盍以書目鏤於版昭之學宮庶後世有考而無替焉且
世世無忘公之賜玉瑞乃敬題末如此

附
書目

四書集註

五經集註

共四十二本

周禮一部

七本

儀禮經傳一部

十本

史記一部

二十四本

前漢書一部

十五本

二十
六本

後漢書一部

二十四本

三國志一部

十五本

魏

書一部

三十本

晉書一部

三十本

南史一部

十五本

北史一部二十本 宋書一部三十本 南齊書一部十二本

北齊書一部八本 梁書一部十本 陳書一部三十本

隋書一部十五本 唐書一部五十本 周書一部十本

五代史一部八本 元史一部四十本 禮書一部十二本

樂書一部十二本 二程全書一部十本 程氏遺書一

部六本 西山讀書記一部三十本 資治通鑑綱目一

部三十本 已上南京吏部置

皇明制書一部六本 御製文集一部四本 四書大

全一部二十本 易經大全一部十二本 詩經大全一部

書經大全一部七本 禮記大全一部十八本 春

秋大全一部十八本 性理大全一部三十本 明倫大

一部二十本 御製明堂或問一本 御製大狩龍飛

一部二本 文獻通考一部一百本 晦翁文集一部十本

大學衍義一部八本 呂氏讀詩記一部十本

杜氏通典一部五十本 文選一部二十本 唐文粹一部

宋文鑑一部二十本 元文類一部二十本 明文

衡一部二十本 左傳一部十本 國語一部四本 六

子書一部 名臣奏議一部一百五本 蘇文忠公集一

部二十五本 義勇武安王集一部二本 古文類選一

部八本 聖賢圖位一本 孝順事實一本 文章正

宗一部

十二本

崇古文訣一部

四本

臨川文集一部

十二本

玉海

八十本

為善陰騭

三本

劉向說苑

五本

館則

一本

已上載嘉靖府志

入學定額

順治四年丁亥定直隸各省儒學視人文多寡分大學中學小學大學取生員四十名中學小學以十為差府學廩生四十名縣學二十名增廩生如其數府學貢於成均者歲一人縣學間歲一人

康熙九年庚戌更定儒童入學額教府學二十名宜春

宜為大學十五名武學名數同六十年壬寅

恩詔直隸各省儒學大學加取七名中學五名小學三名

學視大學

雍正十三年乙卯

恩詔如前舉行不為例

教諭署舊在學宮西偏康熙間訓導陳洪疇出已資講堂

以居雍正間教諭劉斯組捐買入公為教諭署乾隆三

十一年丙戌教諭添雲驥倡紳士建於明倫堂後北向

正房一進三間後圍園一所又明倫堂左右各二間

訓導署舊無定所或居舊崇聖祠或居忠孝節義祠乾隆

分宜縣志 卷八
二十九年甲申訓導彭世暹倡紳士建於崇聖祠後南
向正房三進六間東西書房二間廡屋二間後圍園一
所

學基

聖宮前後左右界

東界自將軍巷街溝直下至北學界古牆計六十丈現
有明倫堂東側直下圍牆為界

西界自大街學碑隨古溝至張家新屋地界直下一十

八丈溝東皆學地溝西係民基為西南界 又自

橫過從官巷街直下張家老屋後古橫溝計八丈二

尺內除從官巷自西至東張姓地五丈二尺又除張

家老屋三大進內餘址皆學地為正西界 又自張

家老屋前照牆東過學宮直牆至北塹西從官巷五

北溝直下各十四丈皆學地為西北界 此處係學
署舊址

南界東自將軍巷從大街直下西至學碑計三十二丈

五尺內除將軍巷口自東直上至西四丈自南街溝

至北四丈係民地又除柱國坊下自東至西五丈二

尺自南至北係民地餘皆學基

北界東自學界牆隨北邊學前塹橫過西至官巷四丈

路官溝計四十一丈

一南城學地一方東自忠義祠柵欄橫過至西空巷前後
俱計一十一丈五尺左右自街溝至城俱八丈五尺

一學前街南街北店房本學出賃收租

一聖宮前後左右屋基本學出賃收租

一官巷溝東屋基本學出賃收租

一老衙舍二進六間併園地一塊本學出賃收租

一明倫堂前園地本學出賃收租

一東門外萬年橋以南學基北向傍河岸一片直一十六

丈橫至河岸計三丈

一關帝廟東邊園地一塊東直一十八丈西直一十二丈

橫七尺北橫四丈

一街南地一直橫二丈直自街溝至學田計四丈

一萬年橋以南店房本學出賃收租

一官庄下學基一大片東界自南高塹至北官路下田塹

一十六丈西界二丈五尺南橫二十二丈北橫二十二

丈

一官庄下屋基本學出賃收租

八廟前東首路上土一畝今荒東首路下土二畝學收租

學山

白芒秀溪臺一所

新菑塘下金貓捕鼠形山一所係黃太常祖墓

學田

元縣尹趙思順清復學田歐陽元記

記云昔前宋咸淳九年癸酉分宜民宋應槐訟其鄉有田稱梁子思所置立戶為萬壽菴長明在者崇法院僧延冲之所作偽也宋田令寺宇有常住田不得買民業冲違法私買妄稱梁氏所置故應槐發之漕使鍾某閱實據法罪冲等而沒其田以畀分宜縣學養士士刻石為記其文載縣志甚明越三年宋亡分宜內附其田租歲入學廩前後凡二十有八

學劉應丑死其子自昭受崇法寺僧錢盜以本學站基簿賣之由是僧恃力奪田學雖有文移在官求與僧論求直而儒多寒酸學官滿三年率去力莫能競僧挾其有餘之資又歲收所奪田租以助其力故訟連年不決延祐間江西僉憲薩德彌實按問至邑考覈始末以田歸學僧又爭之既而奉使宣撫及江西行省理直如前田復歸學僧德旻者往愬宣政院院達之都省省循例移行省體勘其是否行省檄下袁州路路以其事付錄事判官怯烈決之怯烈惟僧言是聽僧又誘刑餘之人冒儒名者曰宋應祥赴官誣伏怯烈輒以學田歸僧公

論咸不直之學乃有詞展轉歲久本路專委縣尹趙侯
思順研究尹詣田所集耆老佃人詢知固學田也會宋
應槐子從吾持前直學徐棋印信徵租之文以為左驗
先是自昭盜賣學籍於僧學無其副田之條段四至無
所於考至是得從吾之文疆界瞭然尹乃周詠密訪倫
實上於路議以田歸學路質於憲僉憲伯顏適按部力
主其議憲掾某相之路推官鄭時中又屢言之尋得行
省儒學提舉范君雁悉以其實告藩垣大臣咸直趙言
遂以田歸學如初寺主大有坐是爭亦敝罷歸答君請
赴官公準伏狀願遵分宜縣所斷以田復分宜縣

業第數內有水田四十畝及山園地大有舊所佃者亡
減輕租額仍付耕種歲輸學租尹再三審之以其親書
入案而徐議其所陳亡於是四十餘年之訟一日而絕
諸儒磬石請文以記予乃太息而言曰天地間物人各
得主其所有者以時王之法為可恃也在法可則物已
物也在法不可則非已物也僧造法而田歸官則田非
僧物矣官以田與學學受田於官非受田於僧也神聖
受命易姓凡前代之所予奪亦惟其是之從耳世祖皇
帝在位崇儒之詔屢下其以膳學錢糧為養士之資者
既久則分宜之學田實在其中矣成廟即阼又明有諸

人毋得侵占學田之旨由是考之分宜縣學之主是田也在宋之日甚淺在皇元之日甚深由丙子內附至於庚子二十五年間田固學有也僧於斯時未嘗起而爭之也直至劉自昭盜賣店基之後始生詭謀則其枉直較然易知也已國家近年申令民間田宅僧道不得為鄰不為鄰者不使買民產也後至元以來又著僧道買田之禁即使正冲私買在今日之法亦豈得為寺業也乎嗟夫士四民之一僧亦自民出者也王官奉命以司王民之直於斯二者豈容心於其間哉事枉則必復直則易斷趙侯之明能信其直故無疑也田在儒公

土名良步等處計一頃二十三畝三分六釐歲入租七十三碩二斗一升又有一山園地計五頃四十三畝一角亦在其處云是役也儒之宣力者曰某特附著於斯

明張秩袁州府暨屬縣新置學田記

記云當嘉靖戊申今少司空鳳竹徐公起家宜春令宜

春是時民力竭矣公除其煩苛與之休息忍饑而哺冒

寒而襁諸所興建釐革一切順民之欲而無所擾民用

大蘇邑以無事日惟引諸生課業揚摧古今棄棄如也

居三年徵入為御史民失慈母士失良師依依然有遺

思焉其後二十四年為隆慶辛未公始以太京兆改御

史大夫鎮撫江西當公令宜春時從事獨賢業已遍涉
諸屬縣即窮山邃谷士習民隱無一弗詣者至之日則
下令郡邑民所疾苦與所願欲而不得遂者皆罷行之
根穴之寇談笑交殄於是四境晏然無疾乎意步之警
十三郡之衆若治宜春焉初分宜嚴氏沒官田宅歲入
萬餘金詔以佐江西南贛軍需舊矣而蕪田敗屋歲多
逋負軍儲告匱則取盈於民敲朴轉徙怨聲載路南瑞
臨撫諸郡良苦之而袁為甚公庶知其狀嘆曰豈派名
也而積逋若此是無裨於官而重困吾民也且田蕪屋
敗歲益甚耳失今不望其有極稍近利而懷遠圖就

與計直驚產儲之以備軍需乎乃謀於南贛督府殷公
江西巡按劉公兩公議合遂會疏得請於是官民兩利
而屢歲倒懸一朝復釋矣已復念曰袁民今則稍蘇矣
若士困何且茲地故瘠得無仍有力學而不給齏粥者
乎有歿不能槿壯不能室者乎有貢舉舟車之費一切
倚辦於民者乎吾當計所以給之會有匿報沒官田產
者會其直得金若干郡大夫以請公欣然曰是不足為
諸生資乎即以分給五校為市田費多寡以差自是庠
有恒產士有恒資始公為諸生慮者胥此焉取給矣事
竣凡阡陌疆里佃人姓名歲入歲出之數籍而記之且

以報命於公且白學憲邵公而郡大夫則謂茲嘉會盛舉何可無紀乃介予門人何生元會謬以為屬秩聆已感焉夫俗之敝也士大夫傳舍視官府塗人視士民在則念去則否久則忘之者豈少也公去袁州歷子紀餘矣乃其心乎士若民也賤焉如一日至為置田給之若父母之遺其子弟然者此非真仁篤愛恒然結於中而不可解者能之乎雖然公豈屑屑然為多士饘粥計哉上臣之義為國樹人需異日效當世用耳夫修先聖之術明當今之務士之業也猶農夫之耕也襁褓弗服錢鏹弗痔曰士之情園藝而耕滅裂而耘曰士之罔舍哉

嘉穀殖彼良莠曰士之蠹必也禮耕義種仁聚樂安而日講學以耨之以肥於身以肥於家國天下斯公屬望之意不然者是素餐也即國家何賴焉故置田授祭公之養士也修先聖之術明當今之務則士之所以自奉也多士慎毋舍其田以負公哉秩不佞敬繹緒言為桑梓忠告因以復郡大夫田在郡暨四邑總之若干畝歲入租若干石其直若干金具載於碑陰公名棫字世寅蘇之常熟人嘉靖丁未進士以今年某月日晉工部侍郎以去公孝友仁厚自不家食時歲以所餘租入給鄉族凡親而貧疎而賢者若而人蘇人德之謂有文正之

風其撫江西也崇素儉舉鄉約嚴保甲省繇役平巨寇
鋤貪猾所謂撫摩噢咻之者不遺餘力茲以記學田也
不具書

一八廟前并官庄一區 前縣志九十八畝今學冊八十
五畝五分共計大小八十五坵

一龍江 前縣志二十六畝今學冊十二畝四分共計大

小二十坵

一武源 前縣志十六畝今學冊二十畝又塘淤改田一
畝以二十一畝收租共計大小二百一坵

以上三處共現耕一百一十七畝六分租照民間規

例收取每年額租銀一十八兩七錢五分歲科
由學解學政衙門賑恤貧生

分宜縣志卷八

書院

義塾之設即古黨庠州序遺意其當社立學猶夫閭
師族師也他若書堂別業鄉先生之流芳到今未泯
述往勸來志書院

書院

義學即鈐岡書院舊在縣治東宋淳熙初縣令王杭改建
書院於西郊祀宋五子仍舊名明崇正末燬於兵

俱蓋志

通志

明禮部尚書邵寶過鈐岡書院詩云堂成未落奈行何

却喜年來復此過地僻儘容徐孺榻山深堪唱武夷歌
鳥聲似領春風淺草色應沾夜雨多讀罷新碑放舟去
鈴岡雲盡秀江波

國朝康熙四十五年丙戌知縣周開緒捐貲倡率紳士復
建義學於表忠祠傍併置田租以贍學徒膏火邑人嚴
一沆記

記畧云鈴邑太常黃公子澄先生表忠祠自明以迄於
今蓋百十餘載矣其靖節守死典誌所載班班可考莅
茲土者奉香楮祀春秋循行故事鮮有言及之者歲在
丙戌古越周公開緒出宰鈴陽甫下車即以表忠祠是

詢又憫棟宇將圯慨然已任雖蕭幕清風拮据經營公
餘之暇鳩工庀材取舊址而式廓之而且稽墳墓以杜
侵佔置公田以隆饗祀非徒以稱壯麗也方今國家
求賢若渴取士如飴餼廩有頒無非儲才學宮以需一
日用而公尤於祠傍捐貲五十五兩置堂廡數十椽立
義學置田產為鈴多士倡則其所以敦教化而厚風俗
者即古循良吏曷以加茲今其事就理始於丁亥成於
戊子僉謀勒諸石以垂不朽云

乾隆二十九年甲申知縣楊長桂倡率邑人捐貲興復義
學合併表忠祠增置張姓房舍六間題曰鈴山書院三

十二年丁亥知縣楊國華從闔邑紳士議改題太常書院其規制前為正廳廣三丈二尺有奇直三丈四尺簷階至屏牆直四丈一尺橫四丈七尺左前為大門門左右耳房二又傍為小房三正廳之上進一廳二間廳直二丈橫一丈四尺有奇又左傍前後二進各一廳二間自右櫺外由後牆直下上厠一間傍牆直巷巷右卜二間下厨漏二間又前出入小巷一直

社學一在邑治東起運倉左一在邑治西明正德七年壬申知縣蕭時賓立今廢

前志

清源書院在縣治東宋咸淳六年庚午縣令章采併其地

為縣學

前志

羅隱讀書堂在縣北二十五里儒林鄉文苑里隱嘗讀書

於此有藏書洞車書路洗硯池出墨水故蹟與明叅議

羅恪居相近

前志

盧肇讀書堂

一作臺

在邑東南鐘山側

舊志

鄧廷言題盧公讀書臺詩云鐘山高高鐘水綠昔有佳

人在幽谷臺荒只見草萋萋萬卷不留誰更讀古往今

來事可悲江山長是昔人非花落花開知誰主惟有年

年蝴蝶飛水自清分山自綠幽人不見出幽谷後人

徒爾仰高風誰解陳書來此讀一回來弔一回悲江聲

似歎今人非只有臺邊鷗與鷺忘機兩兩近人飛

邑人楊師游為盧公讀書堂記云距分邑東南十里有

山曰讀書堂者以盧子發嘗肄業於此而名之也公諱

肇昔屬宜春今隸分宜之文標鄉人生而好學蘄然自

見幼時宜春令盧公萼一見即以異日有聞許之唐會

昌三年以詞賦魁天下李衛公嘆為金榜得人厥後獻

海潮賦詔褒諭宣付史館四方之傳訟此文模擬竊取

以長雄於詞林者不可勝紀其後仕至集賢院學士終

欽州刺史茲讀書堂實子發之所嘗肄習其間者也鄧

君廷言嘗題咏之以志景仰之思而公之讀書得名堂

係乎堂之存與不存耶今是山無一楹之宇而高人遠

士過故址而想見其為人則山以公之讀書傳而公之

讀書不因是山之堂而傳也因為之記而廣斯義以勵

後之學者

鈴山堂在儒學東太學士嚴嵩為編修時謝病讀書於此

初名東堂禮部尚書邵寶記後作堂面鈴故名姚江主

守仁書額堂之東為御書樓南有池池南為瞻宸堂折

而西為柱國坊

前志今廢

邵記云東堂新第者翰林嚴先生維中之所建也嚴為

分宜望族世居介溪自先生高祖父方伯公孟衡以下子

姓曰繁隘至不可容先生以茲地密邇學宮故擇而居之其先止有其東之半作堂東向號曰東堂鄉之人人而習稱焉說者謂南有鈴岡背而不嚮於物理若有非宜者正德辛未予以貴州之節過之蓋亦謂然越八年已知先生奉使還自桂林乃作堂以面鈴題曰鈴山堂堂之東舊偏易氏園近買得若干步所建先祠焉題曰方伯之祠方伯於時得祠以是而名者以爵以德為他日不祧之地也今年春先生北上過錫為寶道山堂之槩謂九鐘山仙臺諸峰遠近環列而鈴獨蒼然秀出端若屏障嵐霏空翠近落軒凡風松烟竹灑如沐如雨

雨方雲冬雪初日滿盈光潔溫胸耀目朝夕萬狀而堂得專之堂之前瀦水為池環以嘉樹城市山林不惟其趣亦惟其景先生於是亦有以得夫勝槩焉予再至鈴一登其頂今聞先生言尤不勝躍然者惟先生以竒偉之才博雅之學膺臺閣妙選為國太史儲養延登屹然為天下之望一鄉之士宜不屑焉然自鄉之人論之亦固不能不以為冠冕也鈴也一邑之勝也先生之居適與之對昔人所謂天設地藏以遺其人者非此之謂乎予昔視學分宜以茲地故為僧寺不宜居學之左祛其徒而虛之所存佛堂改題曰視學之堂至是乃有賢人

如先生者入直於官闕其東之隙居焉而堂固巋然不
尤愈乎先生聞之曰重哉公言吾居成矣請書以為興
建記

嚴嵩鈐岡養疴贈相士詩云掃榻雲林白晝眠行藏於
我固悠然原無蔡澤輕肥念不向唐生更問年

鈐麓書院在水南太學士嚴嵩建中為敕賜延恩之閣世

廟所賜名也閣下有軒曰川巒萃秀池上有樓曰天光

雲影閣之後依山為堂曰止善設先聖像祀之傍有亭

二曰碧澗曰林臯明少保許讚記

前志
今廢

記云惟人賢誕生本夫地氣之淑靈然地勝得名其因

人賢而顯著蘇長公文章蓋世則峨嶠非衆山可擬裴
晉公德業鮮倫則綠野豈庶壤可方有袁郡都分宜邑
治吳楚交會之區乾坤幽奧之境袁水西來演秀江而
澄渟若鑑鈐岡南峙環疊嶂而蒼翠如屏下映廣潭黛
影沉水心而互幻上立神祠蒼林翳簷角而蔚森鈐岡
中畔月嶺半規隱起異常蜿蜒不已帶以坡陀或見或
伏瀦以陂泉或流或滙境之勝忽若遺夫茲世造物
之工或有私於是方鈐山者實北對縣治南領衆山今
少傅太學士嚴公入翰林時嘗作鈐山堂於學宮之東
以為讀書之所迄今四十餘年公位極人臣任崇輔相

以忠誠寅亮之德結主知以雄健奇逸之文裨國華學
啟淵衷功熙帝載殊恩屢錫異敷游加瓊翰之樓忠弼
之堂宸章已昭回於總郡而優視之賜際遇之隆御題
未揭示於通邑顧月山之麓有寺僅存屋荒弗支僧少
而貧公買以莊地濟以百金僧樂徙而淨居勝常吾得
地而書院以拓然不譁若處可安惟知恩典宜重中建
勅賜延恩之閣尊上賜也前為贊元際聖之堂志感遇
也因山水交盤之狀扁川蠻萃秀之軒止善堂敞爽於
巖阿則設像崇先聖之祀夫光雲影樓峨翔於池上則
賜匾出睿皇之筆遵彼一澗建有二亭樹參差而被阜

則揭曰林壘泉湧注以為池則榜曰碧澗而總以鈴麓
書院名之夫山川泉石互爭奇而獻巧亭臺樓閣各占
勝而馳光則按時遊覽天趣豁如矣當其韶華方麗淑
氣已融花塢曦暉林叢鳥語琴尊在御賓主交歡斯時
也吾不知會稽蘭亭之遊與此何如也及夫養氣方張
時雨覃降亭榭烟橫坵畦水滿萬樹溟濛千峰縹緲斯
時也吾不知瀟湘江渚之景與此何如也又見白露零
空玉蟾度漢金餅輝而階除炫晝影虹映而竹樹敷陰
庾樓共賞有加於是乎迨觀青女施鉛滕六散花川原
一色而玉宇高低江山萬里而瓊林遠近東武高情有

分宜縣志 卷八
逾於是乎夫江雲山月餘館閣之書香天藻龍文照溪
澗之風致獨不觀莘野寂寥商祖之元纁數賁傳巖遠
曠武丁之繪像斯來雲龍風虎水濕火燥際會之機古
今一理觀於此述不獨明良之遇可徵簡冊而山川之
遇盖自整極既分之後而始有今日也噫地靈人傑天
元啟之功崇德懋聖君表之山神呵護以效厥職日升
月至書院札劄

明趙濂過鈴麓書院有感詩云元豹當年隱霧深卧龍
旋起作甘霖文章一代欽山斗題贈羣公比玉琛伐桂
為新能勿惋操戈入室竟何心海桑一任他更變千古

鈴山自翠峯

